

移大和郡山  
忠常

忠常盡心政務

年六月移大和郡山元祿六年十二月叙從四位下八年十月卒無子弟忠常為嗣十二月襲封叙從五位下任能登守寶永四年十二月叙從四位下六年五月卒忠常盡心政務嘗設置一函於城外題署曰自安函每月晦使左右披之自檢其文書不使諸臣預知以故諸吏秋毫不犯群下各省其私清潔廉直賄賂道梗庶民安其處忠常好烟草惟與父對則不喫平素吸烟父若到則必盥漱更衣而謁見及父歿斷喫烟三年終身遇其忌日必斷之以其父忠義厭忌之也又每月朔設酒飯享老臣及諸士躬自列其坐盛以二汁五菜立為例一日謂眾曰若等眾庶平素粗糲為食吾亦禁鮮食美服守質素敦朴欲養四民而竭忠節我今得列侯籍居顯貴是以祖先勳勞也曾祖以

來攻城野戰衝堅破銳三日一餐每嘗艱苦想像其勞則飽食煖衣非一時所可安處是以我日夕追念之苟驕奢無度府庫空竭臨事財用不足則不孝莫大焉夫吾祖為幕府累世之臣而守此樞要為國家藩屏以武為務我恒謂衣以覆身為足食以充腹為節酒以經格飲啜男女之道如探水火是人道所當慎也是故我時設此饗以勞若等頃聞幕府下令嚴禁殺生制止售鳥獸命令雖未及遠邦國法非可犯故今日不備之我亦他日欲不食鳥獸若今日制外也宜過醉忠常當旅行讀書於輿中少時不安臥每一二里必通言於左右又命夫卒許破笠著股牽曰我在駕且不堪寒暑汝等艱難可察每入驛舍不見士夫飲食則不敢食嘗府下火延燒居第及別莊再造之費金



數万兩、府庫出其半矣、諸士請曰、各減祿半而補焉、忠常曰、我居常守儉、漫不費財、以備不虞、止供公役、不救窮民、方今營作居第、財耗用盡、至損武備、然倉廩減耗、未足為憂、諸士秩祿不可減、如第宅雖不修造、莫患、諸士困窮不可忍、縱令雖積資充溢、士臣窮乏、則我雖居侯位、與野夫何異矣、弗聽、諸士強請不止、曰、君行仁政、撫愛士民、臣等亦不可不報、今減祿半、不減人馬、不亦可乎、惟執事請熟計焉、忠常歎稱其志、曰、然則納造立材木之、減祿之請、不敢許也、諸士感悅、以梅材一千補焉、農商亦請獻瓦石、弗聽、強納壘一千枚、其愛惠士民如此、一日遊覽京師古跡、抵嵯峨野、至夕日無糧餉之儲、忠常覺飢、不駕徒步而行、入一草菴、主僧迎入而薦食、及僕隸、忠常見從者食、而

忠直

忠村

忠列

忠利

對參河  
舉母  
忠次

後就食、厚謝菴主而出、他日左右問徒行之故、曰、吾且已飢、而况徒步者乎、長子忠直、先是叙從五位下、任越中守、又轉信濃守、是歲六月襲封、享保二年四月卒、長子忠村襲封、稱唐之助、七年卒、年十三、以無嗣封除、特賜其弟忠列、以五萬石、居郡山城、忠列稱喜十郎、八年十一月卒、年十二、無嗣封除、  
本多忠利、忠義之次子也、初稱寸學、寬文二年十一月、頒賜父領邑一萬石、候帝鑑間、十二月、叙從五位下、任山城守、十年四月、為奏者、轉長門守、十一年正月、兼寺社奉行、天和元年九月、封參河舉母、以弟忠村為嗣、先卒、更養毛利、綱元、次子忠次、為嗣、元祿十三年七月、忠次襲封、寶永四年十二月、叙從五位下、任出城守、正德元年、由出城守、長



忠英

轉遠江相良

子忠英襲封七年十二月叙從五位下任兵庫頭寬保二年六月為大番頭延享二年二月辭職寬延二年三月轉遠江相良七月為奏者兼寺社奉行八月轉長門守寶曆八年三月為西城若年寄九月坐金森賴錦事配流于津山沒收領邑其子忠由實有馬一準次男也忠英養為嗣稱兵庫頭亦坐父罪天明八年七月赦其罪賜忠由廩米五百苞列寄合

忠以

治陸奧淺川

忠晴

封參河伊保

本多忠以忠義之第三子也初名忠序稱宇兵衛寬文二年十一月頒賜父領邑一萬石治陸奧淺川候帝鑑間叙從五位下任越中守四年三月為大番頭五月卒年二十七無子弟忠晴嗣七月襲封併已封田二千五百石十二月叙從五位下任彈正少弼天和元年七月封參河伊保

移遠江相良

忠通

忠知

元祿五年六月為大番頭十五年六月為奏者兼寺社奉行寶永二年十二月加七千石七年移遠江相良正德三年夏以病辭職五年四月卒年七十二忠晴骨法大逞有力量活達能辨義理在職之日對僧侶言語卑醜井上正岑謂曰卿聞公事裁斷如流衆所稱也惟怪對僧則言語卑醜是居職掌素雖非所可辭渠亦佛徒也恐有缺禮典矣乎答曰昔者僧徒能守法持戒皆有德行今也不然惟利之求莫修德者接下愚以下愚之禮其何不可之有長子忠直為同族忠常養子於是忠直子忠通為嗣六月襲封享保四年十二月叙從五位下任彈正少弼六年七月卒年十七無子以弟忠知為嗣閏七月襲封十一年十二月叙從五位下任讚岐守十三年十月轉越中守延享三



轉陸奧  
泉  
忠壽

爲城主  
格

忠誠

忠知

忠德

忠紀

年九月、轉陸奧泉、食二萬石、寶曆四年、八月致仕、号冲翁、長子忠壽襲封、十二月、叙從五位下、任彈正大弼、安永二年十月、冲翁卒、年六十二、天明七年七月、忠壽爲若年寄、八年五月、爲側用人、叙從四位下、寬政二年四月、爲老中格、又列城主班、三年十二月、任侍從、十一年十一月、致仕、号水翁、長子忠雄、以病潛居、次子忠武、爲嗣、更名忠誠、先是、叙從五位下、任河內守、是月襲封、轉越中守、文化十二年七月、致仕、号三樂、長子忠知襲封、叙從五位下、任河內守、又轉彈正少弼、天保七年卒、長子政之進、二子武次郎、皆先卒、以第三子忠德爲嗣、十一月襲封、叙從五位下、任越中守、十年、爲奏者、十二年七月、爲西城若年寄、十四年十二月、爲本城若年寄、無子、以弟忠紀爲嗣、萬延元年八

抗官軍

忠伸

忠當

治參河  
足助

月、襲封、叙從五位下、任能登守、尋爲寺社奉行、明治元年四月、連結奥羽諸藩、以抗官軍、六月、官軍取泉城、忠紀出奔、九月、謝罪乞降、十一月、褫其官爵、沒邸地、遂在京臣隸、十二月、削封二千石、尋有命、義子忠伸襲封、二年六月、奉還版籍、任泉藩知事、四年七月、廢藩、本多忠當、忠義之第五子也、又名忠周、小字千之助、寬文二年十一月、頒賜父領邑二千五百石、四年十二月、併兄忠晴邑、食五千石、延寶三年九月、爲書院番頭、十二月、叙從五位下、任淡路守、五年三月、轉大番頭、天和二年四月、加丹波田二千石、三年二月、爲寺社奉行、加參河田三千石、治于足助、始列侯班、貞享四年五月、坐事奪職、元祿二年六月、削邑三千石、爲小普請、十五年十二月、列寄合、子



孫列仕籍... 本多氏... 封近江膳所... 伊勢神戶

正忠

稱伊奈本多

葵徽章之始

忠俊

本多正忠與中務大輔忠勝同祖... 稱華人仕德川氏... 稱縫殿助世居參河伊奈... 川清康先是同族在參河者多出仕而為城主者只正忠耳... 後從軍攻吉田城進焚下地御油遂薄城東門城主牧成命出降清康又攻田原也正忠出邀享之於伊奈酒酣獻殺一盃藉用細辛三葉清康大悅以為徽號... 為葵故事賀茂宮祀日用為表飾故京畿呼曰鴨葵今葵章狀非浮蓋其為細辛葉審矣本多氏花号卓葵亦然蓋傳者不知別有鴨葵因致此謬耳今據實匡之云正忠長男忠俊稱

光忠 光典 忠次 光正

戶田丹波 小栗澁大 領夫 貫地五千

助大夫後改華人正有四男伯光忠又名光好小字八郎稱修理亮仲光典初名定光稱伊豫叔忠次稱彥八郎季光正稱莊太夫永祿三年今川義元發師入尾張大敗于桶峽光忠從軍守大高城德川家康引兵歸岡崎光忠為後拒水野信元通意尾張欲併參州屢攻岡崎光忠與父忠俊每戰先驅有軍功六年一向宗徒叛忠俊分部下守小阪井糟塚砦以備吉田光忠守岡崎城亡幾光忠有疾忠次為嗣光忠與光典胥議為家康攻吉田城忠次如岡崎白之家康悅令光忠如二連木謀戶田重貞賜馬而馳赴尋發師攻糟塚喜見寺二砦忠次為先驅攻吉田遣部將戶田某小栗某勸守將小原鎮實致城鎮實交質棄城而去於是參州八郡地悉平賜忠次以寶飯渥美二郡地



五千貫、賜光忠池尻地、戶田小栗等、亦有賞賜、元龜元年、  
 姉川之役、忠次屬酒井忠次軍、奮戰有功、天正元年三月、  
 從松平信康、攻足助伏地二城、三年五月、長篠之役、與酒  
 井忠次、襲鷲巢壘、取之、八年、養酒井忠次第二子九十郎、  
 為嗣、改稱彥太郎、先是、為質送于安土、時年七歲、九年三  
 月、忠次從師攻高天神、斬首二十一級、十年、彥太郎加首  
 服、家康賜偏諱、名康俊、十八年四月、忠次卒、年六十五、號  
 寂照院、康俊承其後、是歲、豐臣氏伐小田原、徵質于家康、  
 乃遣康俊於京師、事平乃歸、八月、賜下總北條五千石、慶  
 長元年五月、叙從五位下、任縫殿助、五年七月、從軍抵小  
 山、及大坂、舉兵、從入美濃、與大垣城兵、戰于笠縫川、康俊  
 與井伊直政、本多忠勝、馳驅收兵而歸、關原之役、列後隊、

康俊

賜下總北條

封參河西尾

移近江膳所

俊次

事平、家康命曰、我多置任于于吉田、汝宜速還守之、乃還  
 吉田、六年二月、以功封參河西尾、食二萬石、八年、叙從四  
 位下、十九年大坂兵起、康俊與子俊次、奉命西上、守膳所  
 城、既而自二條發、抵河內須奈、撫綏郡邑、進陣備前島、與  
 諸將攻城、元和元年、夏役、康俊與子俊次、忠相、抵須奈、而  
 屯松原、備南都口、五月七日、從加賀陣右、進斬首一百十  
 三級、三年移封近江膳所、食三萬石、是年、大將軍秀忠、朝  
 京師、館于膳所、賜物有差、俊次先是叙從五位下、任下總  
 守、七年五月、康俊卒、年五十三、長子俊次襲封、次子忠相、  
 小字清三郎、叙從五位下、任美作守、為書院番頭、食采邑  
 九千石、三子俊昌、稱主馬助、為小姓、食千二百石、四子俊  
 之稱內藏助、五子景次、稱柰之助、並仕幕府、是歲、俊次再



再封西尾  
轉伊勢龜山  
再移所城  
康將

封西尾城、食三萬五千石、寬永十三年六月、轉伊勢龜山、食五萬石、以海道要鎮、大修其城、慶安四年十一月、再遷膳所城、食七萬石、萬治元年六月、長子康長卒、先是叙從五位下、稱繼殿頭、十二月、以二子康將為嗣、叙從五位下、任兵部少輔、寬文四年九月、俊次致仕、號淨有、康將襲封、五年八月、淨有卒、年七十四、初淨有三子俊世、為書院番士、後辭職閑居、四子俊勝、為小姓、叙爵、稱土佐守、食采邑五千石、至子忠吉、無嗣、祀絕、延寶七年六月、康將致仕、號覺翁、以兄康長子康慶為嗣、先是叙從五位下、任隱岐守、襲封食六萬石、分與一萬石於己子忠恒、元祿四年正月、覺翁卒、年七十、五年十月、康慶長子康命、為奧詰、先是叙從五位下、任下總守、正德四年三月、康慶致仕、康命襲封、

康慶  
康命

康敏

康桓

伊豫守忠  
統政  
左衛門尉  
康政  
康伴

康匡

享保三年十一月、康慶卒、年七十六、四年十一月、康命卒、年四十八、無子、以弟俊普為嗣、十二月襲封、叙從五位下、任主膳正、更名康敏、延享四年八月卒、年五十三、無子、親同族忠統長子忠邦為嗣、叙從五位下、任丹後守、改名康桓、十月襲封、後轉下總、隱岐守、明和二年正月致仕、號退翁、先是長子忠薰、叙爵、任下總、伊勢守、又為繼殿頭、以病早卒、乃親族忠統第九子忠節為嗣、更名康政、叙從五位下、任下總守、是月襲封、十月卒、年二十一、無子、養酒井忠寄第四子忠矩為嗣、改名康伴、十一月襲封、三年十二月、叙從五位下、任隱岐守、六年六月、康桓卒、年五十五、八年六月、康伴卒、年三十二、十月長子康匡襲封、安永五年十二月、叙從五位下、任主膳正、天明元年十二月卒、年二十



康完

康禎

康融

康穰

藩士唱義  
者保田信  
解阿閉權  
之丞田河  
德馬之丞  
備島錠之  
助森喜右  
衛門高橋

六、無子，以忠薰長子康完爲嗣。二年二月襲封，五年十二月，叙從五位下，任隱岐守。文化三年十月卒。十二月，長子康禎襲封，叙從五位下，任下總守。十四年九月爲奏者，天保八年十二月，叙從四位下，轉兵部大輔。弘化四年四月，致仕。長子康融襲封，叙從五位下，任隱岐守。無子，以弟康穰爲嗣。安政三年四月，襲封，叙從五位下，任主膳正。後叙從四位下，慶應元年五月，大將軍家茂入京師，有命將軍舍城中，豫爲館設。至期，將軍舍大津，康穰大懼，詣行營謝罪，不報。先是，藩士保田信解等，竊憂國家紛擾，欲革藩政，時聖護院宮臣川瀬太宰者，唱尊攘之說，密通意於毛利氏，信解等與之交結，藩臣上坂某譖之，守護職以故將軍不舍城中也。尋有命捕信解等十餘人下獄。慶應元年十

雄太郎關  
元吉高橋  
作也深栖  
俊助渡邊  
宗助增田  
仁右衛門  
也等十一人

忠恒

忠統

居河內  
西代

月遂處斬，放其遺族。及太政革新，藩主覆案其罪，召還之。明治二年六月，奉還版籍，康穰任膳所藩知事。三年四月，請毀撤藩城，聽之。十二月，請以家祿千五百石充藩費。四年七月，廢藩。本多忠恒，兵部少輔，康將之次男也。小字團七郎，後稱織部。延寶七年六月，父康將頒田一萬石，請列侯班。十二月，叙從五位下，任伊豫守。候帝鑑間，寶永元年十一月卒。年四十八。長子仙千代蚤卒。次子忠良爲嗣，更名忠統。十二月襲封。四年三月，爲小姓。十二月，叙從五位下，任伊豫守。六年正月，免職。候雁間，正德元年六月，移河內西代，居焉。享保四年九月，爲大番頭。八年五月，辭職。候帝鑑間，九年十二月，爲奏者兼寺社奉行。十年六月，爲若年寄。十七年



封伊勢神戶

主膳正康  
政能登守信  
成播磨守忠  
敬忠永  
忠興  
忠裔  
隱岐守康  
完

四月遷伊勢神戶、延享二年九月、加封五千石、寬延三年、十月、免職、十一月致仕、号拙翁、忠統、天性好學、嘗屢招物徂徠、聽講書、晚年著猗蘭子三卷、又有猗蘭集、先是、長子康桓、為宗家康政嗣、次子信胤、為小笠原信成嗣、於是三子忠篤為嗣、叙從五位下、任兵部少輔、先父而卒、四子忠榮、為族忠敬嗣、乃以第五子忠永為嗣、叙從五位下、任丹後守、是月襲封、寶曆七年三月拙翁卒、年六十九、十年十月、忠榮致任、稱上總介、号隨翁、以兄忠篤子忠興為嗣、叙從五位下、任內膳正、明和三年七月卒、年二十五、無子、以義父忠榮三男忠京為嗣、九月襲封、八年十二月、叙從五位下、任伊豫守、改名忠裔、享和二年十二月卒、無子、養宗家康完弟忠敬為嗣、三年三月、襲封、叙從五位下、任丹後

忠敬

忠寬  
主膳正直  
薄實總介正  
忠貫

正經  
清秀  
清重

信重

守、後轉伊豫守、更名忠舛、文政四年、為大坂城加番、天保十一年九月致仕、轉上總介、長子忠都襲封、叙從五位下、任伊豫守、更名忠寬、無子、養溝口直溥弟忠穆為嗣、早卒、更養戶澤正實弟忠貫為子、安政四年四月、襲封、叙從五位下、任伊豫守、明治二年六月、奉還版籍、任神戶藩知事、四年七月廢藩、

本多氏 封信濃飯山

本多秀清、出於助政子定正、定正子正吉、稱彥三郎、正吉子正經、稱豐後守、正經、秀清父也、秀清仕德川長親、稱豐後守、明應六年、賜參河碧海郡土井鄉、其子清重、稱修理大夫、清重子信重、稱彥三郎、仕德川信孝、及清康、築城于土井鄉、享祿三年、從軍戰于御油、斃死、年二十三、其子



廣高

廣高初稱彥三郎、仕廣忠、賜偏名、更廣孝、和田佐崎上野之戰、有軍功、天文十八年十一月、今川義元發我將士、攻安祥城、守將織田信廣、堅守防戰、廣孝與駿將僧大原奮擊、大破之、信廣窮蹙、纔保牙城、其弟信長聞急來援、至鳴海、望見烽烟起、意城已陷、按兵不進、先是我世子止於尾張、大原乃遣使謂之曰、公坐視信廣、蓋以竹千代之信長許之、世子乃得歸、義元留之駿府、曰、竹千代猶幼、吾權領國務、待其成長、還之後、廣孝與石川清兼、天野景隆、往駿府、捧書請其一日、寡君漸長、願還之岡崎、使宿臣代候于駿、其二曰、如今還國、罷駿人處守、其三曰、悉還附其郡邑、義元曰、我欲伐尾平治而後復其城邑、未許其請、義元死、世子得歸、是為家康、永祿四年九月、今川氏真使吉良

賜東條城  
賜田原城  
左衛門尉忠次

義諦據吉良東條、與我搆難、先是廣孝守小牧津平、是月廣孝及酒井正親、合兵進攻東條、敵將富永景通出陣、藤波噉欲攻小牧、廣孝及松井忠次邀擊、景通引弓擬廣孝、廣孝直前刺殺之、餘兵潰走、追北至城、降義諦而還、家康賞其功、以景通邑貝福、駒場、永良、木田、吉田、楠木、宮狹間、寺島、津平、山田等地、賜之、六年冬、一向宗徒叛、義諦應之、又據東條、廣孝及忠次守土井城、遣子康重質于岡崎、與勝曼善秀賊戰、大破之、又攻東條、拔之、乃賜東條城、七年六月、廣孝築砦於梶野、攻田原城、將朝比奈元智致城而去、尋賜田原城、及梶、二崎、白屋、浦鄉、敷地、新野、美止等、廣孝徙田原城、抄略近邑七千餘貫地、有命領焉、八年九月、酒井忠尚據上野叛、廣孝與酒井忠次伐之、忠尚奔于駿



十二年正月家康自將攻掛川城廣孝及酒井忠次石川家成植村家政等為先鋒自天王山進圖敵來襲伏兵於城下敵果夜來襲伏起邀擊城兵拒戰力屈而退闔門不出我兵引退廣孝子康重等各樹功是歲家康徇遠江廣孝誅久野淡路守取其城守之尋攻氏真於掛川城元龜元年姉川之役從軍與柳原康政為左右翼大擊北軍勝敗未決家康使二將橫擊敵陣廣孝奮戰中槍子康重亦被二創斬敵獲首級諸軍乘勝大破朝倉兵九月織田氏乞援於我廣孝及酒井忠次石川家成松平伊忠松井忠次將精兵三千騎入近江日與六角承禎戰大破之信長賞我諸將之勇三年十二月三形原之役廣孝康重回馬奮鬪部下鷹部屋架之助獲敵首級天正元年七月與平

式部大輔  
康政

康重襲封

小太郎賴忠

道文叛武田氏乞降八月廣孝及松平伊忠迎之瀧山甲軍擊之道文其子貞能戰于山下廣孝父子援之大破敵兵逼作手城下縱火而還三年四月長篠之役武田勝賴濟瀧澤川而布陣廣孝父子從酒井忠次濟水踰山夜襲鷲巢砦拔之康重被二創丸入左股終身不出四年七月從攻勝阪城敵將天野景貫據潮見阪拒之我兵不利廣孝等苦戰卻敵尋受命守久野城賜川尻田五年冬以家事讓子康重而老九年三月高天神之戰康重從軍獲首級二十一級十年秋甲信大亂廣孝父子與大久保忠世石川康通將兵入甲斐招降諏訪賴忠小笠原信嶺八月北條氏直將大兵入佐久郡廣孝父子與諸將屯乙骨兩軍相距一里許山嶽抱合互不相知諸將以寡兵難敵欲班



師氏直尾擊我兵且戰且退行程七里許遂不損一人而還十一年廣孝因近衛家請視其系譜故執奏叙從五位下任右兵衛佐有命稱豐後守如故後更稱越前守十二年小牧之役廣孝受命築城小幡以便參河往來四月西軍潛入參河康重與他六將尾敵急逼之西軍驚潰康重等伐堀秀政陣血戰被七創六月攻蟹江城康重襲創赴之是役也我從士死者三十六人十三年冬石川數正出奔大阪中外騷擾康重以二子紀貞質于岡崎家康返之日累世之臣何質之為十五年豐臣氏西征筑紫廣孝受命為使趣問軍事秀吉命攻岩石城有軍功秀吉賞賜金鐔刀羊皮襦等十八年豐臣氏攻小田原以別軍出古道康重及本多忠勝為先鋒四月攻宮城野破之湯本竹浦

封上野白井

移參河岡崎

紀貞

兵解走北條氏降八月廣孝封上野白井食二万石後康重從征奧師赴稗貫文祿元年二月家康赴肥前會征韓師康重與諸將奉世子留守江戶城四年三月康重叙從五位下任豐後守慶長二年十二月廣孝卒年七十謚號全性院有三子長康重次重純稱藤六郎居久野城出戰蒙創屏居次龍安為僧五年關原之役康重從秀忠自山道西上六年二月移參河岡崎食五万石是歲長子康紀叙從五位下任伊勢守十六年三月康重卒年五十八康紀襲封轉豐後守十九年大阪冬役攻備前島列先隊是歲康紀弟紀貞叙從五位下任對馬守後為備前守元和元年夏役康紀列加賀左軍獲首一百十七級薄千貫樓下銃丸中胷丸挫矣長子忠利從軍抵牙營家康問其年



忠利

齒日十六歲家康曰往昔攻掛川乃祖父年甫十六建軍  
 功汝亦莫劣父祖六月叙從五位下任伊勢守九月康紀  
 卒年四十五十月忠利襲封四年六月叔父紀貞食上野  
 白井田一萬石六年紀貞為大番頭九年四月卒年四十  
 四無嗣封除寬永十一年四月大將軍家光入朝路入岡  
 崎城加賜五千石正保二年二月忠利卒年四十六五月  
 長子利長襲封分其田四千石於弟助久二千五百石於  
 利明六月移遠江橫須賀三年十二月叙從五位下任越  
 中守天和二年二月有罪奪封利長既長虐民聚斂耽溺  
 酒色逸遊亡度買遊妓為妾與嬖幸二人每遊花街醺樂  
 佚豫嬖臣專權忠諫被疎斥以故國政不修先是大將軍  
 家綱薨乘夜還邸不得登營事發覺罪當死特以祖先勳

利長  
 內膳助久  
 兵庫頭利  
 明  
 移橫須  
 賀  
 有罪奪封

賜出羽村山田

內膳助久

移越後糸魚川

轉信濃飯山

助有

左京利紀助盈

若狹守助之

勞賜出羽村山田一萬石元祿五年十一月卒年五十八  
 無子先是親族助久次男利久為嗣六年二月襲封更名  
 助芳十二年六月移越後糸魚川十四年十二月叙從五  
 位下任若狹守享保二年二月轉信濃飯山食二萬石其  
 田多接筑摩川每歲被水患助芳訴之幕府求換封土九  
 年八月有命賜五十八邑良田十年四月卒年六十三長  
 子彥次郎次子豐次郎早卒三子康明為嗣六月襲封十  
 一月叙從五位下任豐後守十五年八月卒年二十二無  
 子十月弟助有襲封十二月叙從五位下任伊勢守元文  
 二年九月卒年二十四無子養族利紀子助盈為嗣十一  
 月襲封十二月叙從五位下任豐後守又轉伊勢守明和  
 五年七月為奏者安永三年二月卒年五十七長子助之



助受

米女正氏  
助賢

助成

助龍

早卒助之子助受承祖父後三月襲封天明二年十二月、  
 叙從五位下、在豐後守、文化三年卒、長子彥次郎早卒、  
 戶田氏教次男助利為嗣、七月襲封、更名助賢、叙從五位  
 下、在豐後守、十一年八月為奏者、天保三年二月為西城  
 若年寄、十二年八月叙從四位下、在修理大夫、安政五年  
 四月、義弟助實襲封、叙從五位下、在豐後守、長子助成、稱  
 右馬允、後襲封、叙從五位下、在伊勢守、明治元年四月、以  
 賊兵過城下、不沮過之、屏居待罪、東山道先鋒總督岩倉  
 具定宥之、七月、助成致仕、義子助龍襲封、二年六月、奉還  
 版籍、任飯山藩知事、四年七月、廢藩

本多氏 封下野宇都宮

本多氏 封駿河田中

彌八郎正  
定彌七郎正  
行彌七郎正  
俊十三郎助  
俊正  
重貞  
正信  
正重  
彌正少彌  
久秀  
正信再  
仕德川  
氏

本多忠正助定六世之孫、父曰彌八郎正明、忠正亦襲稱  
 彌八郎、仕德川清康、忠正有三子、正定、正行、助俊、皆歿於  
 戰、正定子俊正、稱佐渡守、仕清康、廣忠、有四子、伯曰重貞、  
 為青野某養子、仲曰正信、叔稱十助、季曰正重、正信稱彌  
 八郎、仕家康、永祿六年冬、一向宗徒亂、叛應之、七年二月、  
 宗徒乞降、正信去國、入京師、依松永久秀、久秀謂近臣曰、  
 德川氏將士皆武勇絕人、唯此人不然、後正信去赴加賀、  
 國中多一向宗徒、衆迎為將、天正十年夏、正信自加賀赴  
 京師、謁家康、會有光秀之亂、正信護衛、自間道還、家康召  
 還之、為近臣、自此寵遇殊渥、正信機警聰敏、達權變、以國  
 家為己任、竭力彌綸、遂為開國之元老、六月奉命諭依田  
 信蕃、綏撫土人、十二年、長湫之役、高木清秀獲敵首級、歸



正信領一萬石

告曰我軍必勝莫失時機正信在家康左右問之曰子言過矣今敵兵衆而我兵寡豈可當乎清秀怒曰子得寵遇坐蒲團巧財利慣放鷹何知軍機之勝敗哉我主公無決斷故吾告其時機耳家康哂曰善十四年五月叙從五位下在佐渡守十八年八月賜相模甘繩一萬石慶長四年正月石田三成將圖家康正信與伊奈忠次大久保長安爲會計租賦應召赴伏見途聞變星夜兼行謁家康問曰淺野長政近日舉動云何家康曰未至也正信直抵長政第與俱至亡幾池田黑田加藤等七將圍除三成訴之家康集將士議之正信進曰三成姦邪無比諸將切齒之宜矣然身居五奉之一而欲挾私怨以除之非公道也今允請則諸將益驕傲其所睚眦者又請殺之乃許之乎無

正信留三成之策

辜遭戮者必多若不許則彼等必曰三成閣下之所惡故許殺之某者閣下之所愛故不許也後以爲口實此禍亂之本也爲今之計不如留三成三成在則諸將猶懷憾以歸閣下之德深謀秘術莫大焉家康從之乃諭七將且使三成歸其邑九月家康往大阪正信從之即夜流言大野治長等有異謀正信徵兵伏見嚴備而歸五年七月家康伐上杉氏率兵而東三成等舉兵於西家康召諸將問方畧正信進曰諸將妻孥皆質於大阪豈不念之宜慰勞各就本邑以安其意且我勳舊將士固守函嶺之險待敵至擊之則可也并伊直政以爲非計直進大軍於西議決之家康徵諸將誓書正信掌其事八月正信從世子秀忠自山道長子正純從家康自海道西上真田昌幸據上田城



要之秀忠欲攻之正信不欲攻謂秀忠曰彼懼大兵不必  
 出軍行無妨徑往會美濃榊原康政大久保忠隣然之而  
 大久保牧野二氏兵進攻城正信怒其犯軍令自秀忠誅  
 先登者既而西上後於戰期家康忿不見秀忠正純入白  
 曰逗撓之咎壹由於父正信請罰之以彰儲君之無過家  
 康怒稍釋後正純與藤堂氏兵攻郡山城城主增田長盛  
 逃高野山乃諭處守之臣致城亂平家康議天下政事正  
 純掌聽訟之事十月家康入大阪城一日召諸將各問繼  
 嗣之事正信曰立長理順舉勇國強既長且勇莫參州若  
 焉大久保忠鄰排之請立秀忠正信固執前議家康不從  
 六年正信與內藤正成掌關東政務五月正純叙從五位  
 下任上野介七年五月水戶城主佐竹義宣收封地正信

正純請  
 罰父

與大久保忠鄰往綏撫州民頒下法令六月正純奉使開  
 東大寺寶庫觀蘭奢待七月正信自水戶還十一年正月  
 內藤清成青山忠成罷執事家康嘗獵于郊外見禁獵地  
 有張網捕鳥者怪而問之里正荅以內藤青山所為家康  
 大恚秀忠聞之大惧欲誅二人令阿茶局道其意且請寬  
 宥不荅乃召正信謀之正信乃適家康第請問曰臣有所  
 深怨而來頃將軍聞太公有怒於清成忠成將賜死臣甚  
 憫其過小而罰重也今臣老邁奉事將軍若有微過尚不  
 免誅請自今得仕太公側以保餘喘家康怒解二人因得  
 免正信深沈多智善敷奏其所計畫多目語領領而定未  
 嘗抗辨面諍秀忠常以長者遇之家康親之如朋友所言  
 莫不采納十二年七月駿府城成家康遷居焉乃以正純



正信父子  
威權薰灼

為駿府執政，於是正信父子並握樞機，權威薰灼一時。然正信僅食萬石封，家康念其帷幄元勳也，欲與大封，正信辭之曰：「臣老矣，不任軍行，雖賜巨封而無所用焉。」家康曰：「固非欲使卿以此養兵馬也，惟欲得甘美以養老耳。」對曰：「臣幸蒙過寵，宗室列候，餽遺無虛日，何養之不足，竟辭之。」正信尤畏盛滿，自守儉樸，常衣棉袖，屋不華飾，吏民贈賄一無所受，嘗賜巨材於鹿島祠，令修理廢壞，祠官謝恩，贈熟紙，正信笑曰：「祠官者，奉幣於神為其職，今贈之於人，何也？」却之。然雄藩大國，有贈遺，或公然受之，有人嘗餽金一壺，正信袖之入府廳，置諸堂上，家康曰：「吾弗及也。」十四年二月，正純赴江戶，檢關西諸侯質子，時肥後國主加藤清正，抵江戶，正信面之，以其私語曰：「以予觀於公，有可去者。」

肥後守清  
正

岡本大八  
之詐謀

三、長髯也，大阪邸也，東行備兵也。十六年十月，家康赴江戶，正純從行，秀忠饗之，正信侍坐，談及政事。十七年三月，正純部下土岡本大八，有罪被誅，初大八與有馬晴信交通，欺之使納賂於執政，自取之，私為互市。一日寄書晴信曰：「有密旨，以往昔晴信破蠻船之功，割鍋島氏封內數郡賜之，晴信大喜，遺書正純謝之，正純不辭其意，自家康召晴信，按問之，大八知其不可免，自首，乃下之獄，大八告獄吏曰：「往年晴信與長谷川藤廣有隙，謀欲殺之，獄吏以聞，乃鞠晴信，得實，出之郡內，燔殺大八於阿部川上。」十八年冬，大久保忠隣有罪被配，初正信與忠隣並為執政，爭權威，忠隣竟蹈罪，連坐者多。十九年二月，家康召正信父子，禁遏天主教，正信正純下令天下曰：「凡奉天主教，始于近



攝津守村重  
右近友祥

世大友宗麟有豐後國富兵強威震鎮西而蠻船往來與民交易勸誘其教法商賈獲利國人舉崇信之宗麟亦信其教織田信長攻荒木村重高山友祥奉其法信長使蠻人伴天連誘降之村重降信長賞其功許唱西教爾來其法漸蔓延于天下今幕府惡其害國家嚴禁斷之自外蠻至者悉還本國我庶民不悛者處法八月大佛梵鐘成焉豐臣氏欲開慶贊家康以其銘觸忌諱不許片桐且元至駿府陳辨之正純受命周旋其間十月大阪兵起正純從軍指揮軍事正信處置關東諸城為秀忠後拒忠純屬家康麾下十二月正純巡視諸營歸白曰舟場廣而天滿狹乃使池田忠繼守舟場初家康命正純及後藤光次寄書織田長益勸豐臣秀賴講和長益復書曰數諫之竟不能

左馬助嘉明  
出雲守忠朝

容矣二人復致書曰諫雖不行更從慰之居數日長益與大野治長遣使於我營請修和議正純受命遣其臣寺田將監副光次入城受質長益子尚長治長子治德為質子正純拘之和遂成焉元和元年四月大阪復舉兵家康以見兵先秀忠而發曰吾老矣不復遭事必先衆一樂戰正信侍坐曰臣聞軍之前後在地之遠近大將軍在伏見太公在京師其次已定矣太公之言甚無理家康笑而可之既而正信忠純從右軍正純從家康麾下是役正信乘筭輿著柿蒂衣持團扇拂蠅而過黑田長政曰何不類平日威嚴也加藤嘉明日重於常而輕於變德川氏之癖長政曰可謂佳癖矣既而城將毛利勝永破本多忠朝小笠原秀政陣乘勝突進將逼麾下正純忠純挺衆一戰乃退堅



正純食  
小山三  
万石

陣不動時諸軍齊攻城城兵窮蹙秀賴入糶倉中乞命正純與加賀爪忠澄入驗之尋城陷先是正純累功食下野小山三万石正信威權益赫耀天下畏之初大將軍秀忠乳母岡部氏厚蒙寵眷賜賚不貲每月一再多集奴隸與餐躬親供給正信一日見之怪曰僕妾多在奚爲自勞岡部氏曰妾曾在參河貧困不能飯數人今也極富榮是以時飯衆隸以自娛亦欲不忘昔日耳頃聞道路之說曰本多佐州漸驕今聞其言果然叟今居要職執大政使忘爲彌八郎時乎以此輔君吾恐其誤國家也正信大慙而去二年諸侯東觀留江戶者大率驕樂無度將軍秀忠欲禁遏之正信曰不可方今侯伯雖服大阪餘燼尙在未可謂天下歸于一今日急務在懷柔諸侯夫諸侯爭觀府

下者非必懷德服威彼居僻地無聲色娛耳目者故趨至府下縱爲所欲爲也今若以法節制之彼將苦道里之遠倦時月之久快々不樂非國家之利也秀忠從之先是秀忠命有司修西城塹壘爲石壁多集巨石會家康來自駿府見之不憚即將回駕正信聞而大驚走至請曰回駕何由家康曰吾不知有工事而來願留駕事務澁滯故欲回耳正信曰果然則臣將誅死矣此役非出乎大君之意也臣愚以爲西南壘未堅因欲以完修也今大駕遽回則大君必以爲違太公之意也則臣之獲罪也必矣伏願大慈以救臣之死家康曰吾固謂非將軍之意也其調停父子之間如此六月正信卒年七十九号納誨院正信長於家康四歲而其死後之五十日大將軍秀忠嘗詢治國之要

治要七條



乃陳疏七條其畧一曰臣聞天道以仁爲德天下和平萬物遂養天之所好也人主以天道爲心則天必命之以司牧斯民故知天道者不勞而治不知天道者雖勞而不治蓋上古有不尋于戈而獲天下子孫繼承至數十世者至後世則國祚不長治少亂多或一再傳而亡此豈無其故哉臣嘗有疑于茲質諸學者始聞天道之要矣然至其闕奧非文字所能悉也二曰凡有天下者誠正以行政則國泰民安若縱欲窮奢使衆民懷怨含怒則國滅身亡昔唐堯告舜曰允執其中所謂執中者順天道也夫民邦之本也士君之命也善保民生則邦寧善攬士心則兵強保民生攬士心非執中惡乎能之然人主耽溺嗜好悖戾天道者多矣彼利也奢也聲色也奕棋雜戲也人主苟留意於

此則國政不修終底危亡也夫治國之具莫善於學人主須就聖經講求其理若好浮辭以書爲玩弄何益之有且弓槍刀劍者一人之敵人主不專學之亦可又古之聖人務廣其聰明傳曰舜好問而好察邇言夫舜問卑賤察邇言擇善而行是所以爲大知也治國者當舉忠純士選學識人每事咨詢取舍可否而行之是所以廣聰明也自古國家將亂必有妖孽妖孽者非獨天災地變良臣亡邪佞進亦是也人主遇此則宜省己修德昔殷湯王爲大旱以六事責其躬言未終澍雨忽至而庸主不曉徒事祈禳可謂惑之甚也三曰親忠直遠邪佞夫捐軀命殉國家苦諫讜言拂逆主聰而不顧者忠直之士也迎合希旨承順主意有過不諫者邪佞之人也人主善甄別此二者爲治國



之本然忠姦難辨明君尚難之况於庸主乎辨之有道左  
 右譽其人未可信大臣譽之未可信國民盡譽之然後察  
 而舉之其黜人亦如此大凡驕淫者僭越者多慾者口給  
 者皆小人也語曰巧言令色鮮矣仁剛毅木訥近仁宋司  
 馬光曰見可諫而諫之順而易知不可諫而諫之者為真  
 忠臣夫智勇兼資而無欲者謂之賢矣君臣多欲則國家  
 必亂傳云財聚則民散財散則民聚自古佞臣誘君於貨  
 聚歛以張天下者不可勝數可不鑒焉哉四曰天下郡國  
 當發監使巡視風俗觀察政治國主奉法而不驕臣民忠  
 上而不貳風俗敦朴國政修舉此國主之賢也若國主聚  
 財瘠民肆己私不畏威不守律修城郭浚隍塹連結諸侯  
 如是者後必謀反須使其所親信切加諷諭尚弗悛則宜

及其未發而圖之語曰毫釐不伐將尋斧柯雖宗室懿親  
 不宜忽焉五曰人性有上中下唯上智與下愚不移至中  
 人可以為聖可以為愚唯在所習耳欲立家嗣宜擇賢而  
 立之自幼弱時使正人輔導之又選銳敏直亮之士為之  
 左右居常與之言治亂得失之理旁及兵法軍陣切不可  
 使溺聲色汚貨利近異色雜藝人明主賢君尚為諛佞所  
 惑况在幼冲君趣向未定唯在其所導若希旨迎意之徒  
 一得親昵群下傲之面諛競進天下之亂恒由此興矣六  
 曰天之立君所以養斯民也古之聖人何嘗不好美女玉食  
 瑠堂金榭然恐其滅身亡國故窒慾懲情以艱万民万民得  
 安則雖居彫宮食珍羞可也孟子曰古之人與民偕樂故  
 能樂也夫人君欲撫字黎元傳祚子孫將日夜憂之之不



暇又何暇逸豫之耽哉治民之道宜制恒產立定業經田里正封界薄貢賦省征役不宜使有不足又不宜使有盈餘然而人主或好俳優或好和歌或耽茗飲或溺淫色或築崇厦峻宇不憂民之疾苦百姓飢饉而不知救恤橫斂培克以充府庫則天必降禍以亡國家五金百穀者天所生之以資兆民也而人主私之是之謂盜天地之財夫豈無其誅哉昔延喜帝寒夜解衣以思天下寒者故慶流子孫後白河帝反之禍溢天下故安民者昌虐民者亡自然之理也七曰唐虞三代之聖主躬行節儉以安黎元故傳祚數百載降及後世窮奢縱慾以虐萬民故不數世而失天下唯漢唐傳祚久長然治不如古者由以權譎得天下故也皇朝剖判以來寶祚延長萬古無疆者由祖宗深仁

厚澤浹民骨髓也源右將握天下之權外假仁義內實多欲殘毒懿親殃及後嗣北條時賴僅敷惠政祚延數世洎高時侈虐乃一朝而亡足利尊氏雖一旦握兵馬之權不能終安天下細川賴之佐義滿微施善政得澤被數世織豐二雄英武蓋世然身死國乃滅此由君臣不知道滿志窮欲也天下之治亂係乎一人之心人主當敬畏天道慎獨修誠兼資智勇篤行仁義以安億兆為己任則子孫萬世無窮之福也大將軍秀忠覽而嘉之常置座右以時省焉正信疾篤請秀忠曰若不遺臣微忠永欲使臣子孫不絕祀封邑依舊必莫增加焉又誠子正純曰我歿後必有益封之命如三万石我嘗所賜也如過之則辭而勿拜命十月正純受命董日光山修廟之事五年十月轉封下野



封宇都宮

宇都宮食十五萬五千石八年大將軍秀忠詣日光山正  
純造行館以待之大興土木窮極工巧役根來衆根來寺  
僧徒初黨大阪後乞降蓄髮爲兵謂之根來衆分其徒百  
人屬之正純及課役衆不服曰吾職在軍旅不在於土木  
正純大怒悉殺之工匠作機者閉之城中不令還家家人  
訴之官因傳言行館中有機變之計秀忠聞之夜俄出館  
既而山形城主最上義俊有罪被廢正純與永井直勝受  
命往收城地幕府更使伊丹康勝高木正次至山形傳命  
訊以十一罪正純悉辨白焉康勝又取一書問以三條正  
純默不能答乃奪宇都宮城幽于出羽由利給以五万石  
正純固辭降至千石乃受于正勝正之及其他子弟亦被  
配寬永元年四月正純遷于横手十四年三月死于配所

駿河守義俊右近大夫直勝

正純有罪奪封

山城守兼積

年七十三號高原院正純爲人捷慧巧機辨庚子之役秀  
忠後於戰期也家康怒不見正純曰臣之父正信爲謀主  
其愆期職此之由請加顯戮於正信以暴世子無咎矣家  
康釋憾秀忠喜曰今日正純之言沒世不謬正純頗有得  
色安藤直次謂人曰正純傷彝倫其不令終乎後威權日  
熾或謂直次所言未必當及封宇都宮直次曰禍其在此  
矣及其奪封衆服直次識鑒云  
本多政重正信之次男也小字長五郎爲倉橋長右衛門  
養子仕德川氏慶長二年八月有故潛居伊勢稱正木佐  
兵衛屬浮田秀家又仕福島正則前田利長後爲上杉景  
勝老臣直江兼續女婿改族直江移居米澤復仕前田氏  
食邑五万五千石元和元年閏六月叙從五位下任安房



領下野  
榎木

守長子政次早卒，次子政遂，為弟忠純養子。三子政朝、別列仕籍。四子政長繼父後，子孫仕前田氏。  
本多忠純，正信之三子也。一名忠繼，小字彌十郎，仕德川氏。慶長中，敘爵稱大隅守。十年正月，賜下野榎木田一万石、大坂之役，獲首二百七級，賞其功，賜皆川田一万八千石。寬永九年卒，長子忠次早卒，乃養兄政重次子政遂為嗣。八月襲封，十三年十二月，叙從五位下，任大隅守。十五年，政遂卒，長子犬千代襲封。十七年五月卒，無嗣，封除。本多正重，正信之弟也，小字三彌，後稱左衛門，幼而仕德川家康，違旨，幽山家，後被召還，自稱山家左衛門。永祿六年，一向宗徒叛，正重黨之，據針崎，大久保忠世率族來攻，正重相逆，以銃忠世先登，正重被傷而退。七年春，一向徒

正重去  
參河

正重再  
仕德川  
氏

悉降，正重遇赦，奉仕如故。十一年冬，從軍攻掛川城，先登獲首級，元龜元年，又從姉川之役，有軍功。三年，拒甲斐兵於一言阪，三形原之役，返擊七回，身被四創，二股之戰，與武田氏將新村某接戰，終馘之。天正三年五月，長篠之戰，獲首數級，後去三河，赴尾張，仕織田氏。六年七月，從織田信忠入播磨，攻神吉城。十二年九月，屬前田利家，為步卒隊長，與佐々成政戰，有功。後授末盛城。十五年，屬蒲生氏鄉，赴筑紫，攻若石城，氏鄉吹螺，正重曰：怯吹不響也，乃奪而吹焉。凱旋之後，氏鄉恚之，或曰：正重追鳥於禁地，遣兵圍其邸，將殺之，會麾下士都築總左衛門過之，問故，直入救正重，氏鄉命令去其地。慶長元年，復仕家康，執調，家康曰：孤不見汝久矣，何之哉？遇之如初。庚子之役，從師為檢



賜石二萬

三四郎廣勝三十郎廣宣

察使七年十月賜近江阪田郡田一千石十九年大阪之役從將軍秀忠為參謀元和二年七月賜下總相馬郡田一萬石三年七月卒年七十三正重資性剛直不避權貴嘗當寒夜與兄正信侍坐家康家康將哺食召鶴羹二人陪食乃謂正信曰若輩羹汁歷時必冷矣如斯不減煖味孤聞巨鳥有補益老身也正信收箸將應正重進曰如臣羹汁即今忽冰冷也家康變色後謂正信曰乃弟心未定難列侯班天坂軍後坂部廣勝久世廣宣賜賞祿正重聞之不悅曰吁三四三十奚超我恩賞哉遽把刀登營將殺之遇于公門正重勢猛厲二人怪見遇橋中間正重詈曰汝等有何功乎賜食祿請聞其故廣宣左手引耳輪視之曰惟在於斯耳正重色和曰汝等雖耳輪巨大如武功何

平四郎正氏千助正包太郎左衛門重吉正貫正封二千石

正直

三左衛門正方

移上野沼田

為得踰我乎相伴而還正重有三子正氏正包皆早死養長阪重吉子為嗣名正貫稱源十郎三彌正重臨死請曰臣所賜食邑超于分願削焉正貫領八千石寬永九年冬叙從五位下任豐前守十二年為書院番頭十九年為大番頭寬文四年二月致仕号休山長子正直嗣叙從五位下任伯耆守八年為大番頭延寶五年三月卒年六十長子正永嗣先是叙從五位下任豐前守分其田一千石於弟正方天和元年正月為書院番頭五月轉大番頭改紀伊守二年九月加賜一千石元祿元年十二月又加二千石食一萬石為寺社奉行九年十月為若年密改伯耆守十四年加五千石十六年正月又加五千石移上野沼田寶永元年九月為老中加賜一萬石十二月叙從四位下



正武 正矩 移駿河田中 正珍 爲老中 正珍有罪

任侍從、候西城、二年三月、又加一萬石、併舊四萬石、正德元年四月、以病辭職、五月卒、年五十七、無子、養榊原久政次男正武爲嗣、先是、叙從五位下、任遠江守、七月襲封、享保六年二月卒、年五十一、養叔父正方長子正矩爲嗣、先是、叙從五位下、任豐前守、四月襲封、八年九月、爲奏者、十五年七月、移駿河田中、十七年八月、轉伯耆守、二十年八月卒、年五十五、長子內藏助、二子勝之介、皆早卒、三子正珍爲嗣、叙從五位下、任紀伊守、十月襲封、元文二年十一月、爲奏者、四年三月、兼寺社奉行、延享三年十月、列老中、改伯耆守、十二月、叙從四位下、四年七月、任侍從、寶曆七年七月、長子正堅卒、先是、叙從五位下、任紀伊守、十二月、以次子正供爲嗣、八年九月、正珍坐金森賴錦事、免職、十

正供 正温 正意 正寬 正訥 移安房長尾

月、杜門屏居、九年春遇赦、十一年十二月、正供叙從五位下、任紀伊守、安永二年九月、正珍致仕、正供襲封、六年六月卒、年三十二、八月、長子正德襲封、更名正温、天明二年十一月、叙從五位下、任伯耆守、八年六月、正珍卒、年七十七、寬政十二年七月、正温致仕、轉紀伊守、長子正意襲封、叙從五位下、任豐前守、文化五年六月、爲奏者、文政五年七月、兼寺社奉行、八年四月、爲若年寄、轉遠江守、十二年五月卒、年四十六、七月、長子正寬襲封、叙從五位下、任豐前守、長子雄九早歿、以弟正訥爲嗣、萬延元年三月、襲封、叙從五位下、任伯耆守、後爲紀伊守、爲學問所奉行、明治元年九月、移封安房長尾、二年六月、奉還版籍、任長尾藩知事、三年十二月、正訥致仕、養子正憲代任知事、四年七



月廢藩

本多氏 封越前丸岡

重次

重富

重玄

三奉行  
與左衛門  
清長  
三郎兵衛  
康景

本多重次與中務大輔忠勝同祖五世祖正時生正助正助生信正信正生重正重正有三子重次其仲子也小字八藏又作十郎後稱作左衛門兄曰重富稱孫左衛門弟曰重玄稱九藏重次年甫七歲仕德川廣忠永祿元年家康攻寺部城鈴木重教出兵接戰重次及弟重玄當先鋒重次斬敵三人被創重玄深入戰死敵稱其驍勇送歸其首檢之有創痕十三處衆驚歎焉後重次每有軍行從有功一向宗徒亂與一族分離忠心不變攻上和田寨多獲首級家康賜名栗鄉八年參河悉平始置三奉行以重次及高力清長天野康景補之重次資性勇猛質朴殺訥而

三左衛門  
信成

貌猗獯所思不匿雖貴戚善罵之然清廉仁愛果斷明察時人語曰浮屠高力夜叉作左彼是不辨天野三兵皆能稱其職衆皆服家康之鑒識後陷長澤城重次及內藤信成赴守之十二年三月攻掛川重次爲軍監督兵元龜三年冬三形原之役重次馬傷斃敵騎追之乃奮擊殪其人奪馬而歸是役家康憂曰敵必來圍矣我兵衆而糧乏如之何重次日臣嘗備守城之計多儲糧食以莫爲念衆皆賴之天正元年秋武田勝賴分兵侵掠參遠重次與諸將守濱松城九月襲武田信綱于森破之重次日勝賴如聞敗必來援世諺曰勝而約胃緒不如速歸矣果敵將馳至我兵已還三年長篠之戰力圖擊敵而爲敵所圍被創已危從者來援斬二人逐六人重次得免四年賜騎士一百



參河守秀康

人附之、七年八月、松平信康自刃、重次守岡崎城、後從軍、攻高天神、及城陷、斬首十級、虜八十餘人、十年秋、甲信大亂、重次守沼津城、九月、相模兵自韭山、出到戸倉山、重次邀擊破之、追尾薄、韭山、獲首三十餘級、十二年、長湫之役、守星崎城、又攻蟹江城、拔之、而後家康與羽柴秀吉行成、而秀吉請養一子、乃遣秀康、重次子仙千代、暨石川數正子從焉、秀吉又勸家康入覲、弗聽、時流言、秀吉傷秀康、其母長勝院、憂懼、不措、重次以為置一子於京師、不免眾疑、惑、竊請秀康曰、生母病篤、願歸省焉、而迎之、無幾、數正出奔、於是眾稱重次忠誠、秀吉屢諭秀康、使招仙千代、重次稱疾不遣、以姪富正代之、秀吉怒、以為重次被欺、意恚焉、或謂東西兵將起、家康擇岡崎處守、本多正信曰、枕城而

重次勸家康灼艾

死、無悔者、令保斯城、即舉重次、是日重次受命、無再生之色、家康嘉其志、賜感書、家康嘗患疔、日劇、俱不起、召宿臣屬、後事、重次入見、薦一良醫、弗聽、曰、醫術已窮、今復何如、禍福在天、怖死妄作、是不知命也、重次艷然厲聲曰、前醫不必無遺治、未盡人事、而輕自取決、非臣所知、且君有如此不諱、孤幼而國疑、勁敵壓境、其亡必忽、諸臣不忍坐視、今且自裁、以為地下先驅、遂起而出、家康遽命左右留之、即召醫、醫曰、當灸、重次助灼艾、宿昔膿潰而癒、越後人傳聞、相謂曰、謙信信玄既卒、只德川公在、為武門器幹、斯人若歿、天下無復武將矣、家康聞曰、嘗謙信歎、惜信玄死、遺風猶存矣乎、十三年十二月、家康欲出師於信濃、重次諫曰、請先斬臣首、然後發兵、家康乃止、加給五千貫地、十四年、



兵部大輔  
直政

秀吉屢趣家康入覲，遂以其母大廳爲質，送于岡崎。重次及井伊直政護衛焉。十月，家康入京師，重次命堆積薪柴于館外，大廳侍姬恐怖，卑酒于運薪者，問其故，對曰：「仄聞關白將亡我主公，或抑留不令還國，事如實然，則此館舍悉爲灰燼。本多氏下令芟伐山林，運輸以備之，斯人性太酷烈，不戢，主公還，且謂縱火，夕謂舉烟，井伊氏固制止之，以到今日，可憐窈窕淑女，忽爲焦土，僕等亦雖傷，不得奈之何。侍女等大驚，哀泣曰：「其人曩來聲如夜叉，又先有仙千代者，從公子來，殿下曰：「渠夜叉作之子也，吾儕謂夜叉亦有子乎，今而始知其真矣。頃日，彼屢問源公歸期，有苦待之色，不如速促彼歸國，而吾輩免難也。衆女悲泣，以告大廳，大廳亦驚怖不安，頻寄書秀吉，以促家康歸，且報

佐渡守正  
信

重次嚴猛，亡幾家康還國，大廳歸京師，衆女泣愬曰：「夜叉本多，猛威如焚，大廳恐怖，請諭德川氏，而刑彼，以散我憤鬱，交相誚訟。秀吉笑曰：「德川氏多猛士，孤亦所羨也。十八年，秀吉伐小田原，重次及本多正信受命掃除參以來，諸城以待軍至，重次意以爲失守，忽々不樂，及秀吉至，不出迎，曰：「彼非我君也。秀吉再三召之，固辭不肯，曰：「我見關白，夫何爲矣，遂不入。秀吉既亡北條氏，將西歸，路入駿府城，使加藤光泰諭曰：「吾將以山東八州封德川氏，收駿遠五州地，今振旅西歸，一夕當宿府城，請宜遵旨，掃除城郭，以待焉。重次對曰：「府城者，我君多年所居，且諸將妻孥多在城中，今新封八州，誠雖可喜，而諸州城壘半就荒殘，恐主君不能一日安居也。然授城殿下，則似棄主君於郊外，妻

遠江守光  
泰



重次剛直

孥之心其能安乎必不得已請取主君手書來不然臣雖  
 死不敢奉命光泰復命秀吉又諭曰孤非收城唯一宿焉  
 耳重次固執不肯謂群下曰不聞公命不能敢避城關白  
 多智數意不可測汝等不見信雄之事乎吾豈蹈其覆轍  
 哉假蒙嚴譴吾甘伏其辜不敢累汝等守備益嚴秀吉不  
 得己舍于城外又是役會家康將入見秀吉重次自背詈  
 曰主公主公狂妄可怪有國家者雖一夕豈有假城於人  
 者哉人若乞夫人亦且假之耶時群衆滿坐家康顧左右  
 曰渠爲作左我世臣也齡長於我百戰不顧身我深愛之  
 然資性狂率豪放視人如蟲老而滋甚今衆人廣坐罵辱  
 我如此平居燕間可知己卿等幸勿爲意衆僉謝曰嘗聞  
 其人夫藩多名士可慶也秀吉益不懌後謂家康曰重次

重次倅  
吉旨  
致仕

無禮於孤蓋爲孤罰焉家康不得已命令致仕錮于上總  
 井戶鄉給三千石以養老云子成重亦屏居慶長元年七  
 月重次卒年六十八重次能識下情初爲參河奉行布法  
 令也衆庶不服數犯禁戒重次謂民不知字奚得讀真字  
 乎乃書以假名字曰某事勿爲如有犯者作左呵焉一州  
 忽服又性好簡率一日行旅寄書於家曰一筆啓慎火勿  
 令阿仙啼可令馬肥嘗阿部川東磧有煎人釜家康命吏  
 令輸濱松重次見之問其故而命令碎裂謂吏曰汝適濱  
 松爲我言主公凡有大志者不可用烹人之刑也作左命  
 破毀焉片辭勿蔽家康聞之召重次謝焉成重小字仙千  
 代後改二郎大夫又稱丹下十七年十一月有命往聞越  
 前政務國老今村掃部清水丹後等爭權諍論皆處流刑



封越前丸岡

賜成重以丸岡城、食四万三千三百石、與從父弟富正俱執國政、蓋德川氏、追錄重次勳功也、十九年、大阪冬役、成重爲先鋒、赴攻城、從兵死者十六、傷者百六十人、元和元年夏役、率騎三百先登、當真田幸村、躬自斬二騎、併士卒斬獲二百七十三級、先衆乘城、縱火數處、復獲首二十八級、死傷者十二人、是役、家康日召成重、問軍事、其所言質直、大異於他將、又每所計畫、與家康所慮、如合符節、乃召叙從五位下、任飛驒守、賜刀及茶器、九年、召歸仕幕府、後致仕、剃髮、号土菴、正保四年卒、年七十六、子重能嗣、後經重照、重益二世、元祿八年二月、坐事配流于鳥取、封除、後遇赦、賜二千石、子孫列仕籍、

富正

本多富正、重富之子也、小字源四郎、爲叔父重次所鞠養、

封越前府中

天正十四年、代族弟成重、赴京師、侍秀康、時年十五、後常奉事左右、能盡臣節、文祿中、天下軍務頻起、資財匱乏、富正受命、赴結城、勸校諸有司、或使土民出糧食、又伐山林、而換之金、得判金十枚、秀康愛其才、登用委任、及移封于越前、賜富正以府中城、食三万九千石、列爲元老、而養秀康子吉松丸爲嗣、尋天慶長十六年二月、叙從五位下、任伊豆守、大坂之役、從師有軍功、元和九年、忠直處流、幕府割田六千三百八十二石、賜之、寬永九年二月、改丹波守、正保二年致仕、號元覺齋、慶安二年八月卒、年七十八、初秀康之薨也、土屋左馬助永見右衛門尉、殉死、富正亦欲死、大將軍秀忠聞之、賜書曰、頃聞卿將殉、故黃門事酷非矣、宜輔佐世子也、使者到北莊、傳命、富正從之、猶欲死、家



康又賜書止之曰如有犯命有遷國衰宗之變矣於是富正憂悶石能遂志云

柳原氏 封越後高田

清長

柳原氏姓源出於仁木義長義長六世之孫利長居伊勢壹志郡柳原村因氏焉利長三世清長小字孫十郎後稱七郎右衛門始移參河仕德川親忠延德中清長與其子長政從軍戰于井田有功長政稱七郎右衛門永祿五年卒有二子長曰清政次曰康政俱仕德川家康康政小字小平太年甫十六從軍戰于上野有功家康賜偏名別將一軍十一年三月康政為先鋒攻堀川城不願死傷爭先健闘終陷之十二年三月從軍攻今川氏真於掛川城奮戰破敵既而敵兵乘船數隻自懸塚浦襲我軍後康政與

長政

清政  
康政

五郎左衛門  
康高  
彦右衛門  
元忠

豐後守廣孝

佐渡守敷  
正中務大輔  
忠勝

大須賀康高鳥居元忠返戰大破之斬獲頗多敵走刑道去氏真乞和致城家康將還岡崎氣賀賊兵又赴據堀川城康政先登被創賊平命護衛麾下六月家康攻天方城康政為先鋒攻破郭門進入第二城城將山內某出降元龜元年六月從姊川之軍家康分兵為四自將中軍康政與本多廣孝為左右翼當朝倉景健軍家康使二人橫擊敵陣康政顧左右前有水田底皆沙石水不甚深驅馬直前奮戰被創諸將乘勝追擊大破北兵三年十二月三形原之役康政為麾下先鋒與石川數正本多忠勝俱擊敵將小山田昌行走之武田勝賴縱奇兵橫擊之我兵大敗部下原田權左衛門安松矢之助神谷助右衛門鷹見新八郎等苦戰有斬獲天正元年四月武田信綱略遠江陣



于森村康政與大須賀康高邀戰于堀越敗之斬獲頗多時敵將穴山信良山縣昌景陣于鶴飼山梨為長篠之聲援康政等欲擊之二將乘夜遁去二年四月家康攻乾城出兵廟路陣于瑞雲會淫雨連日溪水暴漲諸將請待雨霽而進乃引兵而退城兵急驅土兵襲我軍後康政奮戰却之斬首數十級九月勝賴將入遠江大雨連日天龍河大漲不得輒涉康政與諸將三十騎出候敵勢敵五騎將涉河康政等躍馬入河敵不得涉而退既而敵兵二万亂流爭進康政等退合後軍勝賴知吾陣嚴整不可犯引兵入二股城三年五月勝賴大舉攻長篠城親渡龍澤川而陣家康乞援於織田氏拒之康政與諸將踴躍陷陣縱橫馳突大破敵軍六月攻二股城康政從之又攻高明城康

內大臣信雄

小牧之檄文

政與本多忠勝進入三王門破之城將朝比奈大八郎乞降二股守將依田信蕃固守不降康政與大久保忠世攻之四年七月攻樽山寨拔之進攻勝阪城敵將天野景貫據潮見阪拒之我軍不利康政與大久保忠世水野忠重鳥居元忠本多廣孝等苦戰却敵六年三月家康攻田中城康政與松平家忠本多忠勝等爭先攻城守將依田信蕃固守不克而退十年八月北條氏直入信濃家康出兵大與之戰康政與大須賀康高為先鋒數破敵兵氏直乞和而去十二年織田信雄與羽柴秀吉有隙舉兵相攻乞援于我家康帥師會于清洲康政謂家康曰小牧山有舊壘請置牙營於此敵若據之下瞰國中非我利矣家康從其言命修之乃移陣焉信雄命康政作檄移諸西軍其文



日逆豎忘恩背義，俄搖虺蜮之毒，遺孤聲罪，反值豺狼之抗，殘賊之深，黔黎欲屠彼肉，姦回之極，狗鼠豈食其餘。又曰：汝將士嘗比肩以事，故右府今乃為其所驅使，抑何心哉。寡君受委託，發五州之兵，以圖芟夷，親將在此，大義所臨，必梟豎子。汝將士悟非悔過，則聽自贖，迷復遂非，則顯戮蔑赦。秀吉覽之大怒，購康政首千金。四月，西軍池田信輝、三好秀次、堀秀政等率兵二萬，潛侵參河。家康諜知之，分兵為七隊，康政將一隊尾之，大敗西軍於小幡。秀次僅免，秀政逆擊，我兵疲頓，為所破。時家康信雄陣于長湫，康政還調之，家康執其手，流涕曰：吾聞汝等失利，不知其存亡，甚憂之。今見其無恙，何喜之如。康政拜謝曰：臣等以寡兵擊破敵眾，兵疲馬困，反為彼所敗，今見大旆至，不忍決

勝三郎信輝  
中納言秀次  
久太郎秀政

加二千貫地

兵部大輔直政

死，故忍耻而還也。六月，康政等攻下市場，一鼓拔之，遂圍蟹江。康政築堙樓，俯射城中，弓銃火箭，晝夜不輟。數日，城兵乞降。十月，修小牧山壘，使康政守之。十三年十二月，加給一千貫地。十四年二月，家康與秀吉結婚，康政使京師告之。館富田氏第，秀吉來勞，曰：吾欲見子久矣。往年小牧之役，移檄醜誣我者，非子乎。當時見之，激怒，下令懸金，購求子首，欲以甘心焉。今也和議成，宿憾頓釋，子盡忠於其主，固吾所欲也。明日登城，秀吉厚遇之。既而還濱松。四月，朝日姬至自京師。館康政第。十月，家康入京師，康政從行。十一月，秀吉為奏請叙從五位下，任式部大輔。十八年，家康會秀吉攻小田原，康政伏兵酒匂，以邀擊東兵入城者，斬獲頗多。既而諸軍合圍，北條氏政降，康政與井伊直政



本多忠勝入取城壘八月封上野館林食十萬石既而為大番隊長更番戍京師伏見十月陸奧葛西大崎賊起康政為先鋒往討之十九年正月次岩手澤聞賊平乃還五月南部氏臣九戶政實叛家康親將討之康政為先鋒助蒲生氏卿平之文祿元年二月家康赴肥前那古耶會征韓之師康政輔世子秀忠留守江戶城慶長三年秀吉薨石田三成等深忌家康圖除之一日家康觀散樂于有馬氏井伊直政等俄扶之而去人情洵々時康政更番勢田間警疾馳至大津塞關三日以留行人行人填咽日暮開關京師以為東兵大至其謀沮格不成此夕謁伏見家康大悅四年冬浮田氏臣浮田孝親戶川達安花房職之等惡嬖臣中村刑部謀誅之秀家不聽反掩刑部四士各擁

兵而反秀家怒將攻誅之大谷吉隆請康政和辭之而事不成家康聞之詰責曰他人家事何關汝乎彼大家也豈汝欲貪貨賂耶平岩親吉至自關東汝宜代之東歸勿留滯在於此康政即日東歸五年九月康政從秀忠自山道西上至信濃小諸招真田昌幸昌幸不肯康政曰彼必乘夜來攻嚴備以待昌幸果出不敢迫我軍攻上田城不可輒拔乃留兵備之至妻籠則關原捷報至於是倍道兼行追及家康家康怒其後戰期三日不見諸將恐懼康政請問入見曰公怒儲君失期然公不豫告會戰之期而獨急進師是公亦誤儲君也家康曰去月晦遣使報之康政曰本月九日始得信報於是兼程西上然山路嶮難加以淫雨人馬疲困不能速進其後也不亦宜乎且三成鼠輩討



之何有、公且待儲君至而戰、亦未爲晚也、康政復白曰、今公以軍旅之事、誚讓儲君、世必以儲君爲不武、夫家庭之事、固宜責其不逮、今以軍事責之、非獨儲君損威武、公亦負謗天下也、家康意稍解、他日康政與井伊直政、本多忠勝、會飲話及此事、直政曰、子之諫公、非徒全父子之恩、實有大功於國家、忠勝曰、曩真田氏塞路也、子意子且一蹶過之、今不然、遷延過日、受制於本多氏、是所以不取于子、縱令後於關原戰期、且取上田城、君怒不至此也、康政默然、三人歡笑傾盃、康政與忠勝俱生參河、其齡亦同、從幼相親、其言不諱如此、家康嘗欲封康政于水戶二十万石、使秀忠諭旨、辭曰、關原之役、後於戰期、臣爲首罪、得免顯戮、幸矣、豈敢當殊恩、且京畿有變、殿下往鎮之、以敝邑密

康政辭  
大封

佐渡守正  
信

茂助直吉

邇大城、星行得以翼衛嗣君、今若遷水戶、路程遠隔、恐他日不及事也、乃促駕而歸、本多正信止之不聽、十一年五月、康政疾篤、家康使村越直吉問病、秀忠使酒井忠世、土井利勝臨問、且遣醫及侍臣、報狀、使者交路、終卒、年五十九、号養林院、秀忠聞訃震悼、使阿部正次、吊且贈賻、康政天資鎮靜、好讀書、兼善書、嘗謂其師曰、書以記首級、則足矣、我欲馳馬試劍也、及長、勇武有才畧、每從軍、屢爲先鋒、以寡勝衆、其所執鐵槍、名裁箕、血鬪百回、身無完膚、及天下既定、以開國元老、兼世子傅、優遇殊渥、當是時、本多正信、威權熏灼、衆皆畏之、康政以爲大臣爭權、非國家之利、故晚節恬退、自守、不爲校讖者服、其宏度、康政有三子、長子忠政、出繼大須賀氏、二子忠長、叙從五位下、在伊豫守、

康政恬退  
自守



康勝

先父而卒，乃以第三子康勝為嗣。先是，叙從五位下，任遠江守，襲父遺封。十九年冬，大坂之役，康勝將第三軍進陣。今福設攻具，列竹牌，城兵放煩擊之，部下鳥井半六、挺眾獨進，再建竹牌，人稱其勇敢。康勝援佐竹氏兵，陣志貴野。前軍不待令而發，康勝怒欲斬之，以正軍法。佐竹義宣謝之，乃止。元和元年夏役，將第二軍，命藤田信吉副之。五月，井伊直孝與城將木村重成戰于若江，康勝將進，信吉止之，曰：「井伊氏恐逢敵伏，我備之，見機進擊，不亦可乎？」乃止。既而直孝獻捷，康勝悔憤，明日戰天王寺口，特進與直孝耦力戰，斬敵首七十八級。信吉亦被創，家康、秀忠賞二人。是月，康勝遽疾而卒，年三十六。家康悼之，召家臣問：「後嗣且曰：若江之戰，康勝何以不進？」荅曰：「平居多病無嗣，如若

長門守重成

忠次

勝政

稱松平氏

城白川

江之事，信吉所沮也。家康秀忠憐其祀絕，命大須賀忠次承其後。忠次，康政之孫也。於是大須賀氏不祀，初康勝娶加藤清正女，無子，其妾舉一男，曰勝政，稱平十郎。家臣狹持私心，隱而不聞。後以其姪聞，召而祿之。勝政慙憤，削髮入高野山。池田光政迎之岡山，稱榊原香菴。寬文七年五月卒二年正月，忠次敘從五位下，任式部少輔。忠次終身稱松平氏。五年，福島正則有罪收封，忠次以兵護其第。八年代大將軍，詣日光廟。九年，從世子家光入京師。寬永二年十二月，賜合墾田十一万石。朱章三年八月，叙從四位下。二十一年七月，移封陸奥白川，食十四万石。忠次請曰：「臣家世為先鋒，白川遼遠，恐不及事。」家光諭曰：「且往，不久復遷近地矣。」忠次從之。正保四年十二月，為世子家綱傅。慶安二年



移城 姬路

六月轉播磨姬路食十五万石寬文三年三月任侍從四月大將軍家綱詣日光廟忠次留守江戶城四年三月卒年六十一忠次勵精圖治政舉國富封內大治先是姬路士卒屢斬路傍乞兒以試刀鈍銳而官不之禁忠次就封聞之曰良民失產餬口道路是為上者之罪也且濫殺牛馬猶且有罰况於人乎自今嚴禁之其他為民害者悉除之封內悅服五月長子政房襲封先是叙從五位下任刑部大輔十二月叙從四位下七年五月卒年二十七六月長子政倫襲封年甫三歲幕府以姬路為要鎮遷政倫於越後村上延寶五年閏十二月叙從五位下任式部大輔天和三年二月卒年十九無子養支族勝直子政邦為嗣康勝之曾孫也四月襲封元祿二年十一月叙從五位下

政房

政倫

移城 村上

政邦

轉城 姬路

任式部大輔九年十二月叙從四位下寶永元年再遷姬路為筑紫探題封內人民追思忠次之德獻粟為壽政邦卻之不受庶民懇請不止乃取三分之一正德元年正月奉命使京師任侍從享保十一年十一月卒年五十二長子孫七郎早卒以二子政祐為嗣先是叙從五位下任遠江守十二月襲封十二年正月轉式部大輔十五年八月叙從四位下十七年八月卒年二十八無子以支族勝治二子政岑為嗣十月襲封十二月叙從五位下任式部大輔元文元年十二月叙從四位下寬保元年十月政岑有罪致仕潛居初政岑放縱淫蕩其在江戶也微行數遊娼家買妓為妾事聞幕府召家臣詰之對曰寡君乳母之女以家貧賣身為妓年老甚悔寡君憫之為落其籍耳非敢

政祐

政岑

政岑淫蕩獲罪



政永  
移高田城

淫佚貪色也不聽遂命令退居奪江戶邸然幕府錄祖先之勳功命其子政永為嗣十一月襲封遷越後高田三年二月政岑卒年三十一寬延二年十二月叙從五位下任式部大輔寶曆四年十二月叙從四位下長子小四郎早歿二子政敦為嗣明和七年十二月叙從五位下任兵部大輔天明四年十二月政永任侍從寬政元年五月致仕轉右京大夫政敦襲封二年十一月叙從四位下任式部大輔後任侍從兼右京大夫文化七年八月致仕號湊鷗長子政令襲封先是叙從五位下任兵部大輔十二月叙從四位下任遠江守文政十年十一月致仕長子政養襲封先是叙從五位下任刑部大輔十二月叙從四位下轉式部大輔天保十年三月致仕轉右京大夫無子弟政恒

政敦

政令

政養

政恒

政敬

為嗣襲封先是叙從五位下任兵部大輔更名政愛十一年十二月叙從四位下任式部大輔後進侍從文久元年十月弟政敬襲封初叙從五位下任式部大輔十二月叙從四位下明治元年正月德川慶喜以政敬為甲府城代尋總督府罷之閏四月賊將古屋作左衛門入越後政敬納之城北陸道總督高倉永祐召其老臣詰責之乃貸罪自效從是藩兵歸順日與賊兵戰亡幾以功赦罪二年六月賜賞典祿一萬石尋奉還封土任高田藩知事四年七月廢藩

石川氏 封伊勢龜山

石川氏 封常陸下館

石川氏姓源出於鎮守府將軍義家義家之孫義基領河



政康  
康長  
為小川  
城主  
親康  
忠輔  
清兼  
雅樂助正  
親  
治部大輔  
義元  
大隅守信  
廣

丙石川郡因氏焉治承五年春義基及其子義兼欲屬源賴朝時平氏兵來攻石川城義基防戰而死義基六世之孫義忠稱彌太郎後任治部大輔元弘中應官軍與弟義繼俱戰死其子時通居下野小山時通子朝成幼育於外祖小山高政改小山氏朝成曾孫政康稱下野權守文安中始遷參河居小川城復石川氏政康有二子長曰康長稱右馬助又修理亮次曰親康稱源三郎康長為小川城主親康年甫十四仕德川親忠賜偏名親康子忠輔稱右近大夫歷仕親忠長親忠輔子忠成稱助十郎仕清康賜偏名更清兼稱安藝守與酒井正親為老臣參聽國政天文十八年今川義元攻安祥城織田信廣堅守防戰清兼與諸將揮槍奮戰破其外郭後和成旋師既而義元拘德

豐後守廣  
孝  
甚右衛門  
景隆

忠成  
家成  
數正  
左衛門尉  
忠次  
大學助盛  
重

川世子於駿府曰世子猶幼吾權領國務埃其長返之久而不還清兼與本多廣孝天野景隆等赴駿府請曰寡君漸長願得如舊約義元諾而未果永祿元年二月世子家康還自駿府調發部兵攻寺部城清兼與正親為先鋒縱火外郭急攻之諸將奮戰終陷之進攻廣瀨克之時城將鈴木日向守規間將追擊我軍清兼謀知之乃謂家康曰公始出師克敵二次慶無過此請遣班師乃還清兼有二子長曰忠成早歿次曰家成承父後稱日向守忠成子數正稱佐渡守三年五月今川氏兵四萬入參河我兵從之進入尾張攻丸根城家康分兵一千餘為三軍一為正兵直進擊之一為遊兵一護摩下家成與酒井忠次号令三軍進戰陷之斬守將佐久間盛重四年七月家成與松平



勘四郎信

信一攻長澤城不利時家康親將三千餘騎攻牛窪歸過長澤縱兵攻之家成等爭先而進城兵恇擾悉亡去六年冬一向之亂家成矢無貳心與數正守岡崎城日與賊戰七年二月家成赴土呂寺厚諭宗徒賊投于戈而降十二年春家康攻掛川城家成與酒井忠次本多廣孝植村家政等為先鋒與今川氏兵戰破之今川氏真自度其不可保遣裨將朝比奈泰勝就家成乞降致城而去五月家康賜家成以掛川城先是德川氏分參河將士為二以家成及酒井忠次為東西旗頭西參河諸將皆屬家成家成封掛川也免旗頭為遊軍將數正代為旗頭元龜元年九月織田信長入近江伐六角承禎澁井長政朝倉義景出兵援六角氏信長乞援於我家康使家成及酒井忠次松平

彌太郎泰勝

家成為掛川城主

右京大夫義賢

晚号承禎

備前守長政

左衛門督義景

土殿頭伊

忠左近將監忠次

半三郎正俊

三郎左衛門宗能

四郎勝賴

伊忠本多廣孝松井忠次等率精兵二千餘騎赴援家成等入近江轉戰一日二十四合大敗之承禎乞降長政義景乞和而去信長大賞諸將之功三年十二月家康與武田信玄戰于三形原數正為先鋒我兵不利數正嘆曰督勵士卒下馬揮槍敵兵爭進相距數步數正部下奮戰却敵其弟正俊戰歿焉數正從家康入濱松城家成在掛川聞敗報帥師馳至家康大悅天正元年三月甲斐兵據遠江諸城家成與久能宗能率兵先攻可久輪城克之諸城聞之潰散六月攻二股城陷之九月武田勝賴帥師來攻掛川城家成堅守勝賴知其不可輒攻引兵而去家成伏二將於日坂將狙擊之敵將馬場信春知之搜捕一將事終不就三年八月數正為先鋒攻小山城六年八月家康



家成老焉  
康通

安藝守賴  
忠掃部大夫  
信嶺  
左京大夫  
氏直

攻田中城持舟城兵出躡數正為後殿返擊走之八年五月我兵暴掠田中之麥持舟兵自遠目阪追擊數正回兵接戰大破之是歲家成致仕長子康通嗣稱左衛門大夫後為長門守九年三月高天神城兵潰圍逃出康通乃扼足助島原之要路城兵三百欲突出此地前有龍谷山嶽縈迴戍兵多寡不可探見我兵急擊之敵顛墜於深谷者數百人諸軍進取其城十年五月家康赴安土遂抵大阪數正從行六月有本能寺之變數正護家康東歸七月甲信大亂康通與諸將經畧甲斐招諏訪賴忠小笠原信嶺降之八月北條氏直將兵四万入佐久郡康通與諸將屯乙骨敵勢甚熾相距僅里許眾慮其不可敵議欲班師敵兵追尾康通等且戰且退行程七里凡十餘合不損一人

數正出奔

而還既而我兵出豆生田暴掠秋稼康通大擊敵兵十一年五月數正奉使命入京師竭羽業秀吉十二年小牧之役家成留守掛川城康通從軍諸將欲襲樂田營數正潛蓄異志故沮格之眾疑其有貳十一月織田信雄與秀吉和數正為使賀秀吉秀吉遣使乞和於我家康召諸將議之數正進曰秀吉既取天下之半豪傑響應今主公兵不及其半而北有上杉東有北條三面受敵則終難得志願速許和以為保安之計家康不悅十二月秀吉遣使請養德川氏一子乃遣荻麻呂數正子勝千代從焉十三年十一月數正挈妻孥出奔大阪先是有人告家康曰數正密通款于秀吉家康以其勳舊不輒信之數正屢赴大阪秀吉陷之曰事我封八萬石數正知和議遂不成且我子既



封上總  
鳴渡

深志後  
改松本  
康通封  
大垣城  
安藝守忠  
義

在大阪欲往因之至是遂出奔焉其赴大阪也自意秀吉必厚遇之而秀吉待之極薄或榜其門譏其失臣節之非數正羞耻杜門不出十八年小田原之役康通從軍事平封上總鳴渡食二万石別賜父家成以伊豆梅繩五千石為養老之資既而家康分諸士為五隊謂之大番隊康通及井伊直政本多忠勝榑原康政平岩親吉為其隊長更番京師及伏見慶長五年家康伐上杉氏家成輔松平康元留守江戶城康通從軍自海道西上與松平家清守清洲城數正子康長守深志城康長初名數重稱玄蕃頭西軍大敗于關原石田三成逃竄康通與諸將守佐和山城六年二月移封美濃大垣食五万石命修其城課諸侯助役十二年七月康通卒年五十四長子忠義尚幼於是父

康長失封  
肥後守康  
勝一日數  
知

家成再起視事十四年十月家成卒号常壽院年七十六以外孫大久保忠隣第二子忠總為嗣十二月襲封先是叙從五位下任主殿頭十八年十月康長黨大久保長安隱沒戶籍事覺遂奪其封配于筑紫其弟康勝及半三郎並連坐奪邑被放初數正之奔大坂也秀吉賜信濃深志十萬石及其死分封與之康長康勝關原之役二子屬德川氏封邑如故至是失封十九年正月大久保忠隣得罪被配忠總以其為生父屏居待罪先是家成以退隱資五千石與外孫大久保成堯乃忠總弟也冒石川氏又與兄俱待罪冬大阪兵起忠總欲立功贖父罪就永井直勝請從軍家康許之十一月諸將欲攻博勞淵南北二寨守將薄田兼相以驍健聞起堙樓俯發矢丸北寨下有洲蘆葦



叢生敵以銃手守之我軍欲先取蘆洲洲地卑濕潮水涵之故多兵不可置寡兵亦不可守衆難其人忠總奮起請自往乃以手兵二千乘船二隻以槍爲棹而進敵守洲者皆走上寨發銃忠總不撓刈蘆荻藉之兵半立水中合銃手仰射寨上晝夜不息九鬼守隆以舢艦數十隻助之忠總麾衆遂拔北寨又得蜂須賀氏援兵攻拔南寨進取土佐港阿波座港發大煩壞櫓樓督戰甚力時城兵燒斷羅城諸橋唯存高麗淡路本街三橋十二月敵復出悉焚城外民舍忠總冒煙焰擊走之遂迫高麗橋欲使敵不得燒橋監使請救之家康曰我軍登城豈恃此橋哉彼自斷出路耳令忠總退此役部下大久保八郎五郎阪部與五左衛門等入舟塲寨斬敵卒數人奪其旗幟而還忠總獻之

播磨守總長阿波守正當市正綱憲之山城淀日向守昌能  
封豐後日田佐倉近江勝所

麾下家康賞之曰真可謂忠世之孫也及和議成受命守高槻城元和元年夏役忠總與京極忠高知等自高槻至與城將仙石宗也戰于備前島破之進向京橋斬首三十級忠總弟成堯屬加賀軍進入城門得敵首二級遂死焉二年九月遷封豐後日田食六万石寬永十年二月轉下總佐倉十一年閏七月移近江膳所食七萬石十二月叙從四位下長子廉勝叙從五位下任彈正少弼先父而卒慶安三年十二月忠總卒嫡孫昌勝承其後四年二月遷伊勢龜山分一万石於叔父總長七千石於正當三千石於正綱自食五萬石承應元年十二月叙從五位下任主殿頭改名憲之寬文九年二月遷山城淀加一万石天和二年四月長子昌能卒元祿十一年十二月憲之叙從



義孝

四位下、寶永三年二月致仕、号泰惠、次子義孝襲封、先是、  
 叙從五位下、任越前守、為中奧小姓、至是轉主殿頭、四年  
 七月泰惠卒、年七十四、七年九月、義孝卒、年五十二、無子  
 兄昌能長子勝之、子總慶為嗣、十月襲封、正德元年二月、  
 遷備中松山、享保三年十二月、叙從五位下、任主殿頭、延  
 享元年三月、再封伊勢龜山、寶曆九年閏七月、長子總英  
 卒、十一月次子總堯為嗣、十年三月、候帝鑑間、七月、總堯  
 叙從五位下、任左近將監、明和元年六月、總慶卒、年六十  
 一、八月總堯襲封、轉主殿頭、十一月卒、年二十一、無子、以  
 兄總英子總純為嗣、二年正月襲封、安永二年十二月、叙  
 從五位下、任日向守、五年五月卒、年十九、無子、養族阿波  
 守總恒次子總博為嗣、七月襲封、六年十二月、叙從五位

下野守勝  
之  
總慶  
封備中  
松山  
再封龜  
山

總堯

總純

總博

總佐

下、任日向守、寬政八年五月致仕、長子總師襲封、先是叙  
 從五位下、任主殿頭、享和三年六月卒、八月長子總佐襲  
 封、叙從五位下、任主殿頭、文政三年正月卒、無子、以弟總  
 章為嗣、早卒、更養族中務少輔總承弟總安為嗣、三月、總  
 安襲封、叙從五位下、任主殿頭、天保四年二月卒、無子、養  
 支族伊豫守總登長子總惠為嗣、更名總和、四月襲封、叙  
 從五位下、任日向守、後更總統、養義父總安子總祿為嗣、  
 襲封、叙從五位下、任長門守、總統致仕、号淡成齋、總祿長  
 子彌千代早歿、以義父總統子保之助為嗣、文久二年襲  
 封、名成之、叙從五位下、任日向守、明治二年二月、藩士分  
 黨騷擾、官命成之判其曲直、六月奉還版籍、成之任龜山  
 藩知事、四年七月廢藩、

總祿

總和

總安

成之



總長

列侯籍

封伊勢神戶

總良 總茂 大久保右近忠明

石川總長主殿頭忠總第二子也、小字權十郎、寬永十八年六月、仕德川家光、為小姓番頭、十二月、叙從五位下、任播磨守、十九年十二月、賜采邑二千石、慶安元年三月、為大番頭、四年四月、宗家憲之分、父遺領一萬石、請列侯班、明曆元年九月、辭職、萬治三年十二月、為大坂定番、加河內石川郡田一萬石、治伊勢神戶、長子總良、叙從五位下、任若狹守、寬文元年十月、總長卒于大坂、年五十七、十二月、總良襲封、貞享三年六月卒、年四十四、八月、長子總茂襲封、分其田三千石於弟忠明、元祿元年十一月、為小姓、十二月、叙從五位下、任近江守、十年閏二月、候雁間、寶永五年閏正月、為奏者、正德四年九月、兼寺社奉行、享保三年九月、為若年寄、十年六月、屬西城、十一月、為側用人、叙

封常陸下館

加賀守忠增

總陽

總殿總比

總候

元三郎總賢

總彈

總般

從四位下、十七年三月、遷常陸下館、加三千石、併舊食二萬石、總茂長子友次郎早卒、養大久保忠增第五子教賢、為嗣、改名總房、又總陽、叙從五位下、任播磨守、十八年九月、總茂卒、年六十、十一月、總陽襲封、元文五年十月致仕、無子、養大久保總比第三子總候、為嗣、襲封、十二月、叙從五位下、任內膳正、延享元年四月、總陽卒、年五十二、寶曆二年十月、總候、轉若狹守、十一年十二月、長子總孝、叙從五位下、任主水正、尋卒、次子總賢亦卒、明和六年八月、以第三子總彈、為嗣、七年八月、總候卒、年五十三、十月、總彈襲封、八年十二月、叙從五位下、任近江守、安永九年十一月、轉若狹守、寬政七年七月卒、無子、以弟總般、為嗣、九月、襲封、十二月、叙從五位下、任中務少輔、八年十月、養牧野



備前守處  
精  
總親  
總承  
總珍  
總管

忠精次子忠朝為嗣、改名總親、享和二年十月、總般卒、十  
二月、總親襲封、叙從五位下、任近江守、文化五年十月卒、  
無子、以義父總般子總承為嗣、十二月襲封、叙從五位下、  
任中務少輔、天保七年十二月、致仕、長子總珍襲封、叙從  
五位下、任近江守、改名總實、嘉永二年十一月、長子總管  
襲封、叙從五位下、任若狹守、明治二年六月奉還版籍、任  
下館藩知事、四年七月廢藩、

大久保氏 封相摸小田原

大久保氏 封相摸荻野山中

大久保氏 封下野烏山

大久保氏、姓藤原、出於關白右大臣藤原道兼、道兼六世  
朝綱、居下野宇都宮、稱宇津宮氏、朝綱九世泰藤、稱美濃

蓮常  
彈正左衛  
門泰昌  
八郎右衛  
門昌忠  
三郎右衛  
門忠興  
一作忠  
與忠茂

彈正左衛  
門昌安

將監從新田義貞、勤王南朝、義貞死、節後、潛匿參河、削髮  
号蓮常、蓮常孫泰道、改族宇津、稱左衛門佐、其子泰昌、始  
仕德川信光、泰昌子昌忠、昌忠子忠興、忠興子忠茂、世仕  
德川氏、忠茂一名忠武、稱左衛門五郎、永正三年八月、德  
川長親與今川氏親戰于岩津、城垂陷、長親勵眾、乘夜直  
馳、濟矢矧川、背水而戰、忠茂麾眾馳且呼曰、我軍勝矣、若  
等努力、士氣益振、莫不一當百、駿兵敗績、斬獲亡筭、長親  
退陣、水西氏親收散兵于河東、眾畏怖不能止、宵逃、長親  
大悅、慰勞將士、問忠茂曰、汝何以料勝、對曰、臣聞今川氏  
將校輕我、在途酣飲、且恃寵意驕、士心不和、臣是以知其  
亡能為也、長親稱善、於是東參盡降、而松平昌安據山中  
城、侵畧東參、德川清康年甫十六、欲伐之、忠茂知其不可



諫止之、大永六年四月、忠茂勸清康、使攻山中、陷之、松平親貞、在岡崎、不降、忠茂夜乘飛雨襲之、親貞懼降、昌安乞婚、讓岡崎城於清康、於是、東西兩參諸豪相踵歸服、家聲大震、清康將賞忠茂功、召問其所欲、辭曰、臣四子皆叨祿秩、臣老矣、復何所須、清康強之、曰、願賜統下市征、以爲養老之資、清康笑而許之、既而曰、忠茂清廉、今貪私利、得非老悖乎、使視之、忠茂會父老、曰、君賜我市征、自今悉蠲之、無所復徵、於是、市民大悅、商賈爭歸、岡崎殷富、擬于此云、清康大嗟賞、天文十二年二月卒、有五男子、長忠俊、次忠次、稱左衛門次郎、次忠員、次忠久、小字彌三郎、長稱三郎、右衛門、天正中、攻三木城、先登而斃、季忠平、稱九郎、右衛門、長子忠俊、承父後、稱五郎、右衛門、始改大久保氏、享祿

忠茂乞市征

二年、屬德川清康、與牧野成命、戰于御油、前隊雌伏、敵競進、忠俊返擊、而清康及松平信定、縱橫奮戰、遂敗之、天文四年、德川廣忠出奔伊勢、忠俊兄弟、日夜盡心、與酒井石川等諸士、竊通謀、迎廣忠、次于懸塚、五年九月、廣忠入牟呂、國人多歸焉、六年春、松平信定發兵圍牟呂、忠俊約書於矢射城上、期以四月迎君、信定收兵而還、既而信定集宿臣、誓于伊賀八幡祠、最猜忠俊、令三作誓書、又大誓國人、於是信定意解、而忠俊等密謀益熟、遂與林政緣、成瀨正乘、本多忠豐、植村榮安等、竊告岡崎、留守松平信孝、信孝稱疾、請浴有馬溫泉、遂如京師、待報、忠俊等潛迎廣忠、入岡崎、五月、廣忠至、自牟呂賞諸士功、賜忠俊一百貫地、九年、渡合戰、我兵敗、忠俊駐馬于堤上、與植村榮安、擊



敵卻之十一年、駿將僧大原與尾人戰于清田、忠俊長子忠勝接槍有功、忠勝小字新八郎、後稱五郎右衛門、十四年春、廣忠與尾人戰、忠俊從軍力戰、十六年正月、松平信孝恨廣忠通尾、忠俊弟忠久嘗仕信孝、於是、以謂信孝非累世之主、何為黨逆乎、乃率妻子歸岡崎、廣忠意猜、忠俊置之針崎勝曼寺、十七年四月、信孝率兵軍于明大寺、酒井正親、石川清兼等、與之對抗、忠俊擇射手七十人、伏路傍、及信孝到、一時齊發、左右亂射、信孝終傷腋而斃、十一月、忠勝與酒井石川等、攻松平重弘于山中城、城兵拒之、軍不利而退、忠勝等奮勵、隔谿整隊、敵來問姓氏、荅以大久保黨、敵發矢二、忠勝應之、會石川新九郎來援、忠勝先登殆危、岡部忠政救圍、斬敵二人、衆馳到擊卻、重弘終

雅樂頭正  
親安  
兼安  
守清

四郎五郎  
忠政  
八郎五郎  
鎮實  
一作勝  
吉  
蟹江七槍

棄城而走、十八年十一月、駿將僧大原等圍安祥城、擄織田信廣、而忠俊、忠勝、忠世等五人、携信廣抵西野、易質奉家康而還、弘治元年八月、駿兵攻蟹江城、城兵善拒、師不利、忠俊與諸弟及阿部忠政、杉浦鎮實等、執槍血戰奮擊、遂拔其城、世稱曰蟹江七槍、二年冬、忠勝、忠佐與酒井忠次等、同守福釜城、尾將柴田勝家、荒川賴季、率兵二千來攻、禦之郭外、渡邊義綱射殪敵兵、忠勝馳馘之、勝家執槍刺忠勝、忠政射勝家、偃地、尾人相扶而去、忠佐追刺其馬、勝家僅免、忠政連射、尾人多傷、賴季收兵而去、永祿三年、桶峽之役、駿兵大敗、家康班軍、忠勝殿、悉收兵歸於今村、夏、忠勝等與刈屋兵戰于十八町、時酷暑炎烈、兩軍不堪接戰、互收兵、六年冬、一向之亂、忠俊會族於和田、為岡



半之丞貞  
次  
一作親  
周

崎聲援十一月針崎賊來攻忠俊率族邀戰于小豆阪進  
攻針崎次于伊田與賊連戰賊設策曰徒戰亡益今分兵  
於妙國寺斷其歸路夾而擊之彼必奔土井其地皆水田  
我急逼之先者沒淖後者死兵可一舉而殲焉議乃定曾  
長峰屋貞次忠俊女婿也心傷其族皆殮乃單騎至妙國  
寺徬徨四顧忠俊悟之收軍而還七年正月賊分土呂針  
崎野寺兵圍和田忠俊率族接戰于郭外忠勝射眼忠世  
亦被創敵爭進胡角聲達于岡崎家康單騎馳救衆皆血  
戰及日沒罷家康入砦賞功二月齋藤某寄書於其友吉  
田某諭曰累世宿臣沈溺浮屠叛君大逆且曰足下素非  
宗門與本多正信爲刎頸故黨賊罪不爲不勸須勸正信  
貞次等歸順竭忠而償非義矣吉田甘服以勸二人正信亦

下野守信  
元  
康忠

服貞次以姻故因忠政謝罪乞降忠政以告忠俊忠俊白  
之家康曰方今天下糜沸強吞弱大井小而境內分裂舊  
臣宿將皆爲叛賊四隣或覘虛乘間其危弗測不如因其  
有悔心一切赦之以固邦基家康領之貞次乃與衆議要  
以三事其一將士降者秩祿復舊其二寺院僧侶亦如故  
其三首魁滅死一等家康聞之曰唯巨魁不可不誅忠俊  
固諫曰賊之向背未可知枉許其請以安反側實國家之  
長策也客歲以來臣族親冒鋒鏑死傷相尋若錄微功臣  
請以賞代之彼蒙再生使之爲先鋒攻上野東條以功自  
償水野信元亦數爲請家康從之賊遂降忠俊削髮号常  
源天正九年九月卒年八十三号大久院慶長六年忠勝  
卒年七十三長子康忠嗣稱五郎右衛門先是家康授偏



康村

忠員

名、姉川及長湫之役、有戰功、後以有疾屏居、子康村嗣、子孫仕幕府、

大久保忠員、忠茂之第三子也、小字甚四郎、後稱平右衛門、德川廣忠、奔于伊勢也、與兄忠俊、謀迎之、及松平信孝、將爭家國、弟忠久、及宿臣子弟數十人、以長親命、故屬信孝、於是忠員與忠俊、議曰、初以君命、隸藏人氏耳、今豈從其叛乎、乃相率逃歸、弘治初、忠員及其子忠世等、從軍攻蟹江城、父子揮槍奮戰、乃有七槍之稱、忠世小字新十郎、後稱七郎右衛門、自幼勇武過人、先是廣忠攻上野城也、忠世從軍、接戰一日再合、時年甫十五云、又從軍攻山中及安祥城、接戰獲首級、永祿元年二月、家康攻廣瀨城、尾人固守之、忠世與族忠勝、內藤家長、進攻之、獲敵將津田

彌治右衛門家長

○百九十六

兵庫、尾兵收走、終薄城、三年六月、水野信元、將來攻岡崎、家康出兵戰于岩瀨、忠世與諸將奮戰、大破敵兵、後又戰于十八町噉、接戰尤勵、有斬獲功、是歲忠員第三子忠包、戰死于藤波噉、年二十二、六年冬、一向之亂、忠世舉族據上和田寨、屢與賊相鬪、一日忠世與賊將本多正重、邀以銃、忠世先發、正重傷而退、有賊狙射忠世左眼、不拔其矢、進斬賊六人、七年正月、土呂針崎野寺賊、合勢來攻、上和田、忠世力戰拒之、蒙創猶進、不止、賊兵披靡、既而佐崎賊三百人、以矢田作十郎為將、來犯岡崎、家康將兵拒之、矢田先衆而進、我兵發銃斃之、自矢田死、賊無復鬪志、既而賊皆乞降、是役忠世長子忠隣、時年十一、謁見家康、家康曰、孤鞠養斯兒、以為近侍、乃携歸岡崎、八年三月、家康攻

卷之四

小田原 大久保氏

○百九十七



長澤城取之命忠世守一宮寨十二年正月家康攻掛川城忠世及弟忠佐子忠隣從軍戰于天王山家康料敵來襲命忠世等諸將豫伏兵於城側敵果乘夜來襲伏起邀擊城兵拒戰力屈而退忠佐等尾擊逼城刺敵一人願忠鄰曰馘之忠鄰曰是非吾所得乃馳冒敵陣獲一首級而還元龜元年六月姉川之役忠世從軍織田氏將坂井政尙池田信輝等戰敗敵乘勝而進忠世與本多忠勝酒井忠次小笠原氏儀等爭先奮戰大破之三年十月甲兵三萬五千騎入遠江陣于袋井家康使忠世及其他將率兵四千出陣于三加野木原西島甲兵勢熾不可敵本多忠勝縱火遮敵進路忠世忠佐力戰拒之遂全軍而還十二月甲兵四萬餘騎陣於三形原家康將八千餘騎與之對

右近政尙

三左衛門尉信輝

與八郎氏儀

左近將監一益

抗織田信長遣兵來援忠世與柴田康忠及信長將瀧川一益合隊既而戰合敵鳴鼓徐進勢如山嶽我兵大敗家康命忠世樹旗于犀崖以收敗軍敵以為大將爭赴之家康得間而走忠世行破敵入濱松城家康召諸將議守禦策忠世曰敵兵新勝必有怠心當挫其鋒以振起軍氣乘夜襲敵亦一策也家康然之乃收城中銃手堪用者十六人以忠世及天野康景將之忠世益以其部兵得百餘人五更登犀崖百銃齊放甲軍擾亂多陷深谷而死武田信玄大愕曰捷未可恃矣乃收師而去是役忠鄰從軍馬傷徒步會小栗忠藏奪敵馬而來家康命子忠隣令騎焉忠世弟忠寄戰沒于是役年二十六天正元年六月家康將兵圍長篠忠世從軍武田勝頼出屯駿遠之境以為長篠



五郎左衛門康高

總兵衛忠重

彦右衛門元忠

聲援、忠世與大須賀康高、本多重次擊之、敵乘夜遁去、三年四月、家康攻乾城、出兵廟路、陣于瑞雲、會霖雨溪漲、糧餉路絕、諸將請待雨霽而進、家康從之、引兵而退、忠世與水野忠重為殿、敵將天野景貫發銃躡後、我兵且戰且卻、堀小太郎、鴨殿藤五郎、大久保勘七郎、小原金內等二十餘人戰死、忠世、忠重返戰、將過隘路、使奴執背旗、敵五六人俄出自谷中奪之、忠世斬敵二人、取背旗、捕腰而還、九月、勝賴將侵遠江、至天龍川、時大雨水漲、不得輒涉、忠世、忠佐、鳥居元忠、柳原康政、內藤正成等、三十騎出候敵、敵將涉河、忠世等躍馬入河、欲逆擊之、敵乃退、既而敵二萬騎、絕流爭進、忠世等退與後軍合、勝賴知吾軍嚴整不可犯、引入二股城、三年四月、勝賴大舉圍長篠、築鷲巢山壘、

小菅五郎兵衛廣瀨景房三科形幸

忠世兄弟勇戰三左衛門信成

山縣昌景甘利三郎四郎助部勝實小幡信真望月甚八郎安中左近

而親渡龍澤川而陣、家康乞援於信長、忠世、忠佐、以銃手三百、為先鋒、信長將屢挑戰、忠佐曰、我主彼客、使彼先戰、我之耻也、忠世然之、乃共踰柵誘敵、敵將小菅、廣瀨、三科等、強勇能戰、忠世、忠佐、與之九合、敵皆傷而去、敵中軍繼至、忠世等、周馳健鬪、信長登阜、望見其背旗、章使人來問曰、一人以蝶為章、一人以鏡為記、其督眾也、如臂使指、敵乎我乎、家康對曰、蝶為兄、鏡為弟、皆僕舊臣也、信長歎曰、德川氏、何多良士也、既而兩軍鏖戰、忠世、忠佐、與內藤、信成、石川數正等、令銃手曰、敵鋒甚銳、待其近而齊發、從之、敵三百餘應、銃而斃、餘眾敗走、甲宿將山縣、甘利、跡部、小幡、望月、安中等、皆戰死、勝賴僅免而歸、事平後、家康往岐阜、忠佐從之、信長顧曰、髯將軍、何不來乎、蓋謂忠世也、忠



賜二股城

佐對曰家兄有故不得拜趨信長曰吾子兄弟長篠之戰狀可謂絕類拔群矣手賜衣服六月忠世守蠅原砦以迫二股十月忠世與榑原康政共攻之守將依田信蕃致城而去乃賜二股城於忠世四年七月家康攻樽山寨拔之進攻勝坂城忠世等率兵出嶽山登阜丘瞰敵將乃進攻之守將天野景貫棄城而走保鹿鼻城家康引兵而還忠世駐兵備敵時攻擊後平之既而家康慮敵襲掛川命忠世及本多忠勝備之六年家康攻田中城忠世從之七年九月家康世子信康有罪賜死初信康剛厲手殺近臣忠世屢諫不聽家康移之二股令忠世護焉至是世咎忠世等不救之八年十月家康攻高天神城兵潰圍脫去忠世等嚴守要害九年三月勝賴出兵略東上野忠世所守林

忠世不  
救世子  
信康

紀伊守家  
忠

長門守康  
通  
安藝守賴  
忠

谷險隘前有六笠掛川牧野城塞南有大塚橫須賀成兵忠世恃之纔以兵六騎守之敵訶知之分兵為二隊夜急出自林谷忠世與其弟忠敬合十九騎奮戰擊之忠教斬敵將岡部丹波忠世與戶田忠次松平家忠等追北擊之敵兵殆殲焉自是駿河諸將相踵降于德川氏獨田中守將依田信蕃不降十年春忠世諭信蕃乃致城而去六月信長為明智光秀所弑甲信復亂家康使忠世及石川康通本多廣孝往鎮撫之進入佐久郡招諏訪賴忠降之八月北條氏直踰碓氷嶺入佐久郡忠世與諸將出陣乙骨與敵相距纔一里山嶽嶮峙互不相知忠世部下石上某在蘆田偵知之冒嶮來告忠世使土人探其實果然乃與諸將相議欲班師初忠世諭諏訪賴忠來屬也酒井忠次



三四郎廣宣

修理亮康國

武藏守長可

激之使叛，忠世帥之，至是與忠次爭殿，忿言移時，敵已來攻，諸將和辭之，燒營退軍，敵循山尾擊，忠世與諸將返戰，行程七里，凡十餘合，我軍不損一人而還，既而氏直將攻新府，忠世等伏兵所在待之，氏直不進，忠教守若御子，以備氏直，氏直築豆生田砦，置兵戍之，忠世攻之，久世廣宣挺進被創，忠佐抱之而還，十二月，忠世留在甲府，討國中殘黨未服者，平之，是月，忠員歿，年七十三，號了應院，十一年三月，忠世赴信濃，經略國中，助松平康國攻小室城，援之，忠教戰于田口，獲首級，十二年，小牧之役，忠世受命統信州將士，以備上杉氏，忠佐忠鄰從軍，大破西軍於小幡，長湫之戰，家康親出邏騎，謂忠鄰曰：能督麾下勿漫出戰，忠鄰馳驅，雖制止弗從，衆馳而趣戰，忠鄰亦出，與森長可

安房守昌幸

黑母衣一隊過，下山邀擊，斬敵二騎，令馘之，諸部俱掩擊，長可走之，進與池田勝入戰，敵徒步揮槍對忠鄰，忠鄰亦延槍接之，而傷胄，仰墜馬，敵奪馬而去，我部下取一馬來，令騎焉，是日忠鄰所騎馬號惠能古鞍，事平後，池田氏臣土肥權左衛門贈而返之，十三年，上田城主真田昌幸叛附豐臣氏，八月，忠世與鳥居元忠、平岩親吉、合甲信二州之兵將攻上田，我兵不利而退，敵兵追擊，忠世以十餘騎殿戰，退至利川，忠教返鬪，斬敵一騎，樹忠世旗幟，敗兵稍集，得兵三百餘人，布陣岡阜，昌幸陣川上，兩軍相距可三十步，忠世將濟川決戰，乞援於元忠，親吉二將曰：吾不諳地理，不如持重也，忠世忿使謂曰：公等怖敵，猶當出我後，以為聲援，往復之間，昌幸引兵而還，忠世率兵渡筑摩川，



陣于八重原，將攻九子城。昌幸望見出城，陣手白塚、忠世復將決戰，遣柴田康忠請二將，亦不肯。既而昌幸引兵而去，忠世切齒曰：「使籠禽脫去，可奈之何？」忠世猶陣以覘敵形勢。昌幸次于城外，曠日相持。忠世與諸將議，遣忠教守天神林，以備敵。諸將固守其陣，不敢出兵。家康慮諸軍疲憊，使井伊直政、松平康重等來援。昌幸子信幸迎戰破之。昌幸又率輕兵來襲，柴田康忠擊卻之。岡部長盛要其歸路，破之。會上杉景勝大舉將援上田。九月，我諸將縱火于九子，而引還。忠世猶留小室，壓上田城，令甲信先隊諸士戍谷村寨。十一月，石川數正奔大阪，與昌幸及小笠原貞慶通謀。中外動搖，家康遣人召還忠世。忠世辭曰：「昌幸未服，迎信玄遺子，以煽將士，景勝亦伺隙。貞慶又反，臣若一

右近大夫  
貞慶

忠隣領  
地一千貫

去，則士氣沮喪，甲信復為敵有必矣。請見機而還，使者三反。弟忠教請曰：「敢以死代守。」忠世喜曰：「汝能辨敵，乃行。既而大雪，敵不敢出。至明年，忠教得代而歸。先是，家康謂忠世曰：「甲信久亂，人心洶々，或通越，或應相，汝為留後，布令施政，以平治焉。」忠世曰：「臣嘗觀察二州風俗，信人勇且義，甲信人雖多，莫及依田信蕃者。臣嘗與彼有面識，請招諭焉。又柴田康忠被罪多年，若赦之，與信蕃俱令徇信，則不勞我兵，而國中必服矣。」家康從之。忠世赴信，告諭二人，拔城寨九處。德川氏徇甲信也。忠世之功，居多矣。十二月，賜忠鄰一千貫地。十四年十月，家康入京師。忠世與井伊直政留守濱松城。十二月，家康徙駿府，事急，衆不能從。忠鄰獨從焉。十六年四月，忠鄰叙從五位下，任治部大輔。十八



封小田原城  
忠隣領  
石羽生萬

年小田原之役忠世爲先鋒及城陷關白秀吉召忠世曰子布陣營天下無双也命守小田原時方兵革之後士民困乏親族離散乞食於他境忠世憐之爲造長廊炊飯粥以救窮餓忠鄰長子新十郎從德川秀忠至秀吉牙營秀吉手取鎧使秀忠撰之祝曰似我時年十一八月家康封忠世於小田原食邑四万石後加五千石忠鄰封武藏羽生食一萬石文祿二年忠隣爲秀忠傅三年九月忠世病篤取家康嘗所賜一向亂感狀曰是非可傳子孫之物也我以為黃泉手券乃毀裂命收柩云尋卒年六十三號了源院忠世爲人儉嗇衣服器甲不做則不更每月不食七日以養士卒嘗在陣中與諸將啖芋羹并伊直政曰味惡則和醬可矣忠世曰兵士農民不嘗飽藜藿君何問芋羹

忠世辭官爵

忠常  
大炊頭利勝

之味嘗大井川之役部下杉浦久藏被創而後忠世下馬授之久藏曰將之死生關于國事臣等螻蟻千百死何害臣誓不乘矣忠世曰乘否在汝吾舍馬而去步而先焉或扶久藏強乘之以免家康築江戶城課役諸將忠世所部早成焉家康賞之欲奏請叙爵忠世辭曰臣陪隸也不敢願朝爵以故終身不叙官爵忠世臨事勇決果斷不顧其身務體士心故部下咸願爲之死每戰先登有功卒日世皆惜之有四男子忠鄰其長子也承父後加封食七万石次忠基稱庄二郎近侍家康後違旨依淺野長政赴韓戰死次忠成稱玄蕃頭季忠永稱半左衛門是歲秀忠加首服於忠隣子新十郎授偏名曰忠常四年七月關白秀次有罪時秀忠在京師忠隣與土井利勝輔之秀次欲挾秀



忠以為質，托饗召之。忠隣等察有變，辭以在寢，使者去。趣秀忠，令入伏見城，使者再至，忠隣故留之。後見之曰：世子有茗宴約，赴伏見矣。臣不識而對，請謝罪。關白、秀忠因得免。慶長三年八月，秀吉薨，未發喪，物議騷然。忠隣使人陽為自東來，令曰：夫人疾篤，以世子東歸，眾請白之。已出，後使人白之。五年七月，忠隣轉相摸守。九月，忠隣、忠常從秀忠自山道西上，攻上田城。忠隣拔伊勢崎砦，先隊士卒進，暴掠田禾，不意遇敵，諸部擊卻之。我兵進薄城，欲乘堞，本多正信制止之曰：犯令者處刑。忠常畏罪將走，旗奉行杉浦久勝亦犯令踰堞，聞之曰：夫命依義輕，奚以臣可煩君乎？自刎而死。後家康嘉其節，召二子祿焉。秀忠遂後於軍期，家康不憚，一日召忠隣曰：孤多子，誰宜為後者？忠隣曰：

總左衛門  
久勝

繼嗣之議

佐渡守正  
信

忠隣忠言

公何出此言也？黃門公既為儲貳，天下所俱知，况天資仁孝，謀慮深淵，誰敢間之？家康默然。他日復召諸將，問其志，并伊直政欲立忠吉，本多正信屬望秀康。忠隣曰：參州君出繼他姓，世子立既久，寵爵又隆，人心繫焉。且恭謙寬洪，有人君之度，野州君雖勇，何能及焉。柳原康政贊其言曰：忠隣之言，萬古不動，願殿下採納焉。正信固執前議不動。忠隣曰：此孰非公之子，亦孰不勇？夫戡定禍亂，無若勇武。至於繼休守成，非德兼文武者不可。且大本一搖，則人心疑惑，人心疑惑，則國家必危。建儲大事，臣辱受保傳之任，雖愚敢挾私其間耶？若從臣言，社稷萬世之福也。議未決，後數日，家康復召諸將曰：孤熟思之，忠隣言是，吾不復易慮矣。秀忠終安，正信恐忠隣洩前議於秀忠，意不自安。是



冬忠常叙從五位下任加賀守賜崎西田二万石十五年十月大將軍秀忠臨忠隣弟忠隣沈毅純厚寡言語饒謀慮初為駿府奉行督參遠五州軍事剖決如流事無淹滯或陰規之曰子之視事非不辨然恐失大臣之體忠隣曰謹承教從此益沈默人愈憚之吏嘗在府爭事喧鬧家康曰汝等盍默相州今至矣一日從軍臥病士卒不奉法令吏恐得罪謂曰相州何不來家康馳人視病士卒見忠隣出陣乃肅然既而為執政愈滋勵精輔翼秀忠尤倚賴焉十六年忠常卒年三十二為人度量超群汎愛衆容物父悼惜之十八年忠隣有罪屏居初本多正信與忠隣有隙及議繼嗣之事怨恨益深圖因事中傷之先是長子忠常卒也忠隣哀悼不已請就封士大夫慰問之時正信亦喪

忠隣為執政

八左衛門  
忠時  
石見守長  
安  
忠隣遭  
讒搆

女視事如平日曰子死而哀私也豈得以私廢公哉人謂是欲排陷之意也忠隣又養外孫女嫁山口重信偶不告于公於是有所劾其私婚忠隣上疏謝罪不報乃悞杜門潛居十二月家康獵于中原甲斐人馬場忠時上變曰忠隣黨大久保長安謀不軌初忠時蒙譴放于小田原請忠隣申雪不省以故怨望知正信忌之讒誣焉家康未輒信使正信啓之秀忠秀忠曰惟太公命正信復命家康問其近况正信曰忠隣居恒鞅々若有所憾者大君亦稍疏之且滿廳執事者非其親姻則支黨也臣聞足利氏寵高師直大過終致反逆及其起兵宿將功臣去將軍而就師直前鑒不遠臣竊料忠隣今不即舉事恐發於太公千秋之後也不若且幽之以徐察其舉動矣尋命忠隣赴京師檢



天主教餘孽、忠隣知得罪、請納小田原城、未報、去抵京師、  
 舘于藤堂氏邸、逮捕邪徒、焚毀其寺觀、監吏數十人來偵  
 察其狀、密啓云、片桐且元、私使人間遺忠隣、秀頼亦有所  
 贈、使者相望、寶貨充積、大坂吏亦縱反間於江戶、曰、忠隣  
 必有怨於將軍、不然何其尊崇豐臣氏之甚哉、正信居中、  
 讒構益行、十九年正月、執政連署讓曰、身居執政、負國家  
 之制、恣爲婚媾、命收小田原城、毀其郭、逐士臣、配忠隣于  
 彦根、所司代板倉勝重、奉教造其館、適有訛言、變將不測、  
 忠隣與客棋、神色自若、從容斂局、出而聽命、乃束鎧仗、致  
 之、悉散遣其從士、第三子教隆、四子幸信、皆坐見放于阿  
 越、孫仙千代、特遭赦、賜高西田二万石、仙千代後名忠職、  
 二子忠總、五子成堯、出繼石川氏、故不坐、忠隣既移配所、

收小田原城  
忠隣被配

正人正成

忠隣先見

給近江田五千石、賜其妻月餼二百口、忠隣曰、臣無職事、  
 而素餐、是重罪也、請依人待罪如法、乃置之石崎、并伊直  
 孝監之、仍給近江田、忠隣上書駿府、曰、臣罪戾多矣、然反  
 則不敢也、願論臣以他罪、臣伏斧鑕、所不敢辭也、群臣憚  
 正信、不敢通、獨成瀬正成奮然曰、是我任也、懷狀獻之、僧  
 天海亦知其冤枉、申解不報、既而大阪兵興、親族從軍者、  
 便道過石崎、見之、忠隣曰、是役無事、汝等無用兵器、衆不  
 悟其意、後果和成、歸路復訪之、曰、君何以知無戰、不答、皆  
 曰、吾儕生太平、會有事而從軍、不戰而歸、何日得復試兵  
 刃、忠隣曰、磨礪以竣焉、明年夏、必有所用、果如其言、元和  
 元年夏、兵復起、忠隣自配所遺書其子弟、曰、汝等毋以吾  
 故自死以重吾罪、大將軍明睿聰達、吾罪必得白矣、汝等



純上野介正

忠隣卒于配所

重周防守勝

封美濃加納

倘逢赦得復仕雖賤役而莫辭焉以報國家之恩三年教  
隆幸信遷流于津輕八年本多正純有罪見放大將軍秀  
忠召忠隣忠隣辭而不出寬永三年十二月忠職叙從五  
位下任加賀守五年二月忠隣卒于配所年七十六號涼  
地院嘗井伊直孝訪之從容謂曰公有所欲啓乎僕爲白  
之忠隣曰辱公厚誼然謂吾無罪是暴君過于天下也非  
吾志矣直孝攬淚而出板倉勝重亦憐其冤爲造居于石  
崎以舍之云忠隣聞家康薨也削髮稱道白乃謂人曰吾  
欲易形所以到今者嫌于遁刑也且吾薦人無私不漏公  
事不爲隱匿之行雖不奉佛是奉佛也蓋示無再仕之意  
也是歲教隆幸信遭赦召爲大番頭其他連坐者皆被召  
還九年正月忠職封美濃加納食五万石十六年三月轉

轉播磨明石肥前唐津

忠朝爲老中轉佐倉城小田原

播磨明石食七萬石慶安二年七月遷肥前唐津食八万  
三千石寬文七年十二月叙從四位下八年四月受命與  
小笠原忠雄爲九州探題十年四月卒年六十七長子新  
十郎二子忠倫三子季之皆早卒養叔父教隆次男教博  
爲嗣忠職謂之曰予家世守忠義臨死無貳汝亦休此意  
傳之子孫臨終不近夫人曰男子不死于婦人手也教博  
初爲幕府侍臣叙從五位下任出羽守食祿三千石是月  
襲封更名忠朝延寶五年七月爲老中任加賀守閏十二  
月叙從四位下六年正月遷下總佐倉八年正月加播磨  
下總田一萬石八月任侍從貞享三年正月遷小田原得  
復祖先舊封加播磨田一萬石元祿五年四月復加河內  
田一萬石併舊食十一万三千石十一年二月以疾免職



長門守教  
寬出雲守教  
忠增

十月致仕分墾田六千石於二子教寬四千石於三子教  
信長子忠增襲封先是忠增叙從五位下任安藝守為奏  
者兼寺社奉行遂進若年寄轉隱岐守當是時父子並列  
權要世皆榮之是歲十二月叙從四位下寶永二年九月  
為老中轉加賀守父忠朝轉木工頭十二月忠增任待從  
六年忠朝削髮號木工入道先是忠朝與牧野成貞數應  
召侍宴優待殊渥特聽乘輿入城正德二年九月卒年八  
十一忠朝移封小田原以來每退食先詣持佛堂拜大將  
軍家綱神牌頓首謝恩而後就食日無怠慢頗盡敬禮貞  
享中諸老講經書於將軍側時忠朝為上首直講而阿部  
正武代之正武年齒少於忠朝受命進講講畢而後正武  
問可否諸老皆曰可也獨忠朝曰唯恐文理有違訛故請

忠方

忠顯

忠由

忠興

無失言己三年七月忠增卒年五十八先是長子大藏三  
子熊五郎三子幸磨皆早卒第四子忠方為嗣叙從五位  
下任大藏少輔九月襲封轉加賀守分廩米六千石於弟  
教保享保六年十二月叙從四位下十三年十二月長子  
忠興叙從五位下任出羽守十七年十月忠方卒年四十  
七十二月忠興襲封候帝鑑間延享四年九月收播磨河  
內田五万千三百石更賜相摸駿河美作田寬延三年十  
二月長子忠由叙從五位下任大藏少輔寶曆六年二月  
轉安藝守九年十二月忠興叙從四位下轉大藏大輔十  
三年九月致仕轉大炊頭忠由襲封轉加賀守明和元年  
十月忠興卒年五十一六年十月忠由卒年三十四十一  
月長子忠顯襲封猶幼安永三年十二月叙從五位下任



忠貞

加賀守、六年十二月、收駿河田千石、更賜伊豆田、天明三年六月、收駿河駿東郡田、更賜伊豆加茂郡田、五月收下總芳賀田一万八千石、賜相摸駿河武藏常陸田、寬政八年正月、致仕、長子忠貞襲封、先是叙從五位下、任安藝守、十二年八月、為奏者、文化元年正月、兼寺社奉行、七年為大阪城代、轉加賀守、十二年四月、為京都所司代、叙從四位下、任待從、文政元年八月、為老中、天保八年三月卒、長子新十郎、二子鉞次郎、皆早卒、三子忠修為嗣、亦卒、乃忠修子仙九、承祖父後、五月襲封、名忠愨、弘化二年十二月、叙從四位下、任加賀守、忠愨長子傳吉郎早卒、養松平賴胤義弟忠禮為嗣、安政六年五月、忠禮襲封、叙從五位下、任加賀守、明治元年正月、德川慶喜命忠禮守箱根關、先

抗官軍

忠禮

胤岐守賴

忠愨

安藝守忠修

沒封土

忠貞

教寬

是為甲府城代、至是罷之、五月藩兵應賊軍、殺官軍監吏中井正勝、遂三雲為一郎、大總督府遣左京大夫、穗波經度、為問罪使、來詰責焉、忠禮致城屏居、請討賊自效、尋討箱根賊兵、官軍助之、六月奪忠禮官位、沒其封土、九月有命、使忠禮禁錮終身、特存家祀、奏請繼嗣、尋以族教義長子忠貞為嗣、襲封、叙爵任相摸守、賜七万五千石、二年六月、奉還版籍、任小田原藩知事、三年十二月、命忠禮與聞藩政、四年七月、廢藩、大久保教寬、加賀守忠朝之次男也、初名教武、小字唐之助、天和元年二月、列中奧小姓、元祿五年四月、轉小姓番頭、賜廩米二千苞、十二月、叙從五位下、任長門守、十年七月、賜安房長狹田二千石、十月、父忠朝分采邑六千石、居



居駿河  
松永

治荻野  
山中

教端

江七兵衛  
教平

教起

教倫

駿河松永、而收舊邑二千石、十一年正月、爲書院番頭、閏九月、爲側衆、寶永二年、爲幕府世子傳、三年十月、爲西城若年、寄加五千石、併食一萬千石、始列候籍、治相摸荻野山中、六年十二月、移本城、若年寄、兼西城勤務、享保三年三月、加賜五千石、十五年十一月、致仕、号休德、長子教端、先是叙從五位下、任筑後守、是月襲封、候菊間、分三千石於弟教平、教平列寄合、歷使番、爲駿府城番、子孫仕幕府、元文二年十二月、休德卒、年八十一、寬保二年八月、教端卒、年五十六、長子團之助、次子久太郎、皆早卒、三子教起爲嗣、十月襲封、寬延二年十二月、叙從五位下、任長門守、寶曆五年二月卒、年二十三、長子教倫襲封、猶幼、明和四年十月、叙從五位下、任長門守、安永二年五月卒、無子、以

遠江守教

近教

教孝

右近將監  
教業  
禮七郎教  
本教

忠知

支族教近長子教起爲嗣、七月襲封、天明二年十二月、叙從五位下、任中務少輔、五年九月、轉長門守、寬政八年九月卒、十一月長子教孝襲封、叙從五位下、任出雲守、文化七年七月、爲大番頭、文政四年十二月、爲大阪城番、天保七年十一月、爲奏者、未幾而免、弘化二年十二月致仕、長子教業、二子教本、皆早卒、三子教義、爲嗣、襲封、叙從五位下、任長門守、後轉中務少輔、明治二年六月、奉還版籍、任荻野山中藩知事、四年七月廢藩、大久保忠知、權右衛門、忠爲之第三子也、忠爲與兄忠世、同仕德川氏、數建戰功、忠知小字源三郎、後改源左衛門、慶長十四年、賜采邑二百石、元和元年、加五百石、寬永三年爲使番、九年四月、轉目附、十年八月、爲書院番頭、十三



忠高

月加七百石、十三年十二月、叙從五位下、任右馬允、十九年、加五百石、併食二千石、正保元年十一月、卒于駿府、年五十三、長子忠高、先是為書院番士、後為中奧小姓、承父後、分五百石於弟忠信、慶安三年九月、為小姓番頭、加俸千苞、十二月、叙從五位下、任山城守、九年、為書院番頭、延寶四年二月、為留守居、天和元年十一月、轉佐渡守、三年七月、為側衆、累封為八千五百石、貞享三年十一月、又加千五百石、併食一萬石、始列族籍、元祿三年十月、轉伊豆守、十一年十二月、候菊間、十二年八月、致仕号道無、長子源三郎早卒、次子忠富更名忠丘、忠春常春襲封、十五年四月、道無卒、年五十四、寶永六年三月、常春叙從五位下、任山城守、正德元年、為側衆、享保三年三月、加五千石、十

始列族籍

常春

封下野鳥山

封下野鳥山

忠胤

修理忠篤

忠鄉

忠喜

主殿頭忠恕

忠成

忠保市十郎忠義

伊豆守忠壽

年十月、封下野鳥山、加封食二萬石、十三年五月、為老中、加一萬石、七月、叙從四位下、九月卒、年五十四、先是長子忠胤、叙從五位下、任伊豆守、十月襲封、分墾田二千石於弟忠篤、十五年七月、轉山城守、寶曆九年五月致仕、長子市十郎早歿、次子忠鄉為嗣、襲封、叙從五位下、任佐渡守、是月襲封、明和四年七月、轉伊豆守、六年二月卒、年二十七、無子、弟忠喜為嗣、四月襲封、十二月、叙從五位下、任伊豆守、後轉山城守、安永八年八月、祖父忠胤卒、年七十、文化二年三月、忠喜卒、長子千之介早卒、養松平忠恕次男忠邦為嗣、亦卒、更養忠恕三男忠成、五月襲封、叙從五位下、任佐渡守、候雁間、文政十年九月、致仕、長子忠保襲封、叙從五位下、任近江守、後轉佐渡守、長子忠義、次子忠壽



忠美  
忠順

皆早歿以三子忠美為嗣嘉永元年十二月襲封叙從五位下在佐渡守元治元年十月長子忠順襲封叙從五位下在佐渡守明治二年六月奉還版籍在鳥山藩知事四年七月廢藩

大久保忠佐忠員之第二子也稱治右衛門自弱冠與兄忠世俱仕家康弘治年蟹江之戰與他六將揮槍奮戰得七本槍之稱福釜之役進戰刺尾將柴田勝家而後刈屋百瀬一向之亂皆從軍有功永祿十一年掛川戰先登獲敵將近松丹後馘其首元龜元年姉川之役受命指揮部隊大破敵兵見附之戰忠佐及弟忠核等四人為殿與本多忠勝收兵而還三形原亦有功長篠之役忠佐與兄率銃手三百為先鋒及鷲巢火起忠佐勸忠佐曰濃客我主

封沼津城

請戰自我始忠世善之乃以銃擊敵兄弟出在棚外馳騁督戰刺擊如蜚織田信長登阜望見賞曰是飛車角行也後從家康往安土城信長召見曰子兄弟長篠之戰狀孤猶不遺當日水色黑團背標孤賞為天下無雙也因顧左右曰汝等見長篠勇將乃是也而諏訪原之戰斬敵二人長湫之役為軍使馳赴先隊奮戰擊敵走之而秀吉軍樂田家康在清洲聞之並鞭馬而出令忠佐巡邏西營忠佐單騎入敵跳馬縱橫衝擊命從士馘之天正十八年八月賜上總茂原田五千石慶長五年秋從秀忠自山道西上攻上田城六年二月封駿河沼津賜二萬石尋削髮號道喜長子忠兼稱長十郎十八年叙從五位下在因幡守四月先父而歿九月忠佐卒年七十七號源信院其臨死豫



定義子會忠隣事起以故遂不祀忠佐勇強過人自壯年  
 屢臨戰場馳騁銃刃之中未嘗被一創云  
 大久保忠教忠員之第九子也本名忠雄又名忠孝小字  
 平助長稱彥左衛門天正三年仕德川氏四年從軍攻乾  
 城獲首級九年高天神之役有戰功十三年八月屬兄忠  
 世攻真田昌幸於上田城獲首級仲兄忠世謂養以為嗣  
 忠教辭曰我素非望人采邑者也遂累功食采邑五千石  
 每近侍家康而天性豪放無所忌憚其適意也則稱揚家  
 康羸軍不適意也數輸軍以說焉於是家康速賜暇退居  
 一日入駿府謁見家康家康語往事久而後曰關原之後  
 世屬太平此役也實孤終世安危所係也敵眾倍我後有  
 景勝前後為勁敵被夾雖然一舉破之豈不愉快乎忠教

忠教豪放

善為諧  
諷

對曰石田敗北實足為快矣然君在小山營聞上國之變  
 則君顏色忽變青諸將亦置任子於大坂面色如灰今世  
 歸一統青顏復故實君之天運而臣等之幸也家康哂曰  
 彥左退而憇焉一日土井利勝招忠教享之令觀騎而指  
 一馬曰斯是大阪二役有功於我故酷愛焉忠教對曰足  
 下敗走之日所騎者乎宜哉以為駿又對馬曰汝能令主  
 人騎自京橋口北走故今被愛也嘗登府城大將軍秀忠  
 命賜鶴羹忠教食畢出而執謁秀忠問曰汝食鶴以今日  
 為始乎荅曰臣每日得食焉秀忠怪之問曰雖孤每不以  
 食恐汝吐浮言矣曰不然明日臣請獻焉次日獻菜而曰  
 鶴也秀忠曰是菜也忠教曰昨所賜臣乃是也故以為營  
 中稱菜為鶴矣秀忠疑糾問厨人厨人曰昨日所調烹和



鶴與菜、鶴肉不多，故彼所食唯菜耳。秀忠笑而止。寬永十四年，島原賊起，衆議追討使，或謂細川侯乎，將有馬乎，如黑田矣。忠教掉頭曰：否，我嘗知矣。衆怪問之，曰：是非他，南光坊乎。將春日局乎，皆曰：軍事用僧婦女何爲乎。忠教曰：我君平素所眷顧，皆爲備變也。是役幕府遣板倉重昌討賊，久之未平，大將軍家光，僂指古名將曰：今得斯輩於平賊，何有。忠教曰：方今非無其人也，但幕下不能知而用之耳。後遣松平信綱，忠教愕曰：重昌必死矣，賊衆三萬，同志致死野戰，且不易剋，况保城乎。夫攻城者須審其可否，城堅則莫若增壘固壁，待糧竭力屈而攻之，而今復遣統帥，是促重昌死也。及攻城，信綱子輝綱離伍先進，信綱強止之，及凱旋，忠教謂信綱曰：公多智，然警於軍事，信綱問其

伊豆守信綱

筑前守正盛

故，忠教曰：年少魁進，不足深罪，然將帥不可私己子，蓋縱其建功，然後正法，逐諸高野，大君必召還宥之。忠教一日面掘田正盛，正盛舉前代驍將猛士，曰：若有事，今人豈不若古人哉。忠教曰：然，尊大人年六十，不能得一敵首，何也。正盛默然，宇治茶戶，每歲獻茶於幕府，沿路警蹕，避人爲例，忠教遇之途，故不避，吏呵之，忠教陽爲不知，曰：汝等奚爲曰：此是猷公之茶，忠教笑曰：我是公臣，茶豈貴於人乎。當避我矣。歲首幕府召諸士，賜糕及酒，爲故事，或歲忠教不入覲，監吏見坐無忠教，召之，忠教曰：凡臨我陣者，未嘗遺兵械，非以其重之故乎。人則輕於器，吾輩以爲長物，所遺乎。將退，監吏白執政，酒井忠勝曰：宴饗所以親群臣也，而遺之，罪在有司。松平信綱謝之，令就筵，忠教曰：人先飲



忠教論  
剛柔

而後飲之、是灌餘耳、信綱作色曰、大廚豈以餘灌饗群臣哉、忠教曰、公不知勇爵之禮乎、列居第二、謂之灌餘、勇士耻焉、忠勝起扶忠教曰、今日之宴、翁固當列第一、子請為接伴、忠教大悅、畢宴而退、忠教嘗謂家光曰、凡我德川氏之為君、剛柔相承、迭出善德、公雄才蓋世、而瑞雲公柔也、東照公撥亂遏劉、剛孰大焉、而台德公柔也、今大君當剛而柔、何、蓋諷之也、左右皆為忠教、惧家光哂曰、彦左善謔、忠教嘗犯禁、銃射濠島、家光聞之曰、如彦左、吾亦未如之何而已、忠教佩刀三尺六寸許、眾謂曰、足下佩刀過長、請斷焉、忠教曰、諾、明日截刀鞘七八寸、白刃如故、帶而登城、觸他衣服及物、多損傷者、人問其故、荅曰、嘗聞我刀過長、不可也、我自然之、雖然祿微、不能蓄餘刀、故截其鞘、事尤

忠教截  
刀鞘

遽迫不得修飾焉、如刃我自不能斷、故依其舊也、忠教芥視寵爵、偃蹇自恣、是以賞賜無及、寬永十六年、有疾、家光命為邑一萬石、列侯班、忠教辭曰、臣病菴、生不封侯、死何為、使者曰、使子孫享其福、不亦可乎、忠教曰、吾子孫有才、自取之、不待吾傳、卒不受、二月卒、年八十一一作七十八、号了真院、忠教嘗著一書、錄國家興起之事、後人題之曰三河物語、有三子、長曰忠名、先是為書院番士、食千二百石、及父卒、襲其邑、二子包教稱新藏、次正雄稱大八郎、三子子孫皆仕幕府、

大久保長安、本甲斐人也、始稱大藏藤十郎、父曰喜然、以申樂仕武田氏、改族稱土谷氏、長安又稱十兵衛、天正十年、德川家康入甲斐、造假館、營作佳麗、非偏邑工人所經



營怪問誰造之、荅曰、是大藏藤十郎者所造也、藤十郎、元樂戶大藏一族、而不修家業、今來在此地、故造此館也、家康曰、奇才也、乃召之、後移居駿府、以申樂為業、一日家康召四部樂戶於城中、張樂、令列侯諸士觀之、會家康願左右、戲言曰、孤年弱冠、在參河、稍徇州之半、今全有關左八州、與毛利氏、為海內有士之魁、雖然、唯所闕、金銀耳、金銀闕乏、則軍資不給、嘗欲得能坑務者、未得其人、左右皆曰、難矣、長安在坐、聞此言、明日如青山藤藏第、謂曰、昨聞君欲得金銀、是甚不難也、臣有計、請以聞焉、藤藏問之、對曰、臣直上言、乃召長安、藤藏侍坐、長安曰、臣計之、廣檢國郡山路出鑛者、而擢其勝任者、試掘鑿之、若得其鑛脉、則國家之宏益也、家康問曰、汝一人能計之乎、曰、臣非獨力所

長安開鑛山

長安有必計

及世有稱山師者、多召之、則可、家康曰、汝其任之、即轉業為坑山司、大聚山師於四方、先入伊豆山中、掘鑿、鑿得金銀鑛、以上呈焉、家康大悅、以長安屬大久保忠鄰、忠鄰好申樂、撫愛長安、乃授族、改稱十兵衛、長安有心計、善言、巧利、家康命管田租、其為都坑司、大有裨益、家康信用之、慶長中、叙從五位下、任石見守、賜武藏八王寺田三萬石、長安領坑務日久、且管天下租賦、養廩人數百、徧檢察國中山路、威權軼於宗臣、遂窮奢侈、每出自從美女樂戶數人、所在縱飲、然舞智巧、當路之人亦無知其姦者、其季子長次、仕越後、候忠輝、有寵、娶其嬖臣花井義雄女、因潛弄國柄、常欺眾、曰、是太公之旨也、是以國政不修、頗涉乖戾、越後土片岡重景者、資性質直、嘗與一農夫相訟、長安治



長安姦計

之、農戶勢豪、屢納賄賂、長安枉法為曲、重景終決非據、意  
 恚誹議長安、長安逆怒、謂其卒曰、我奉命輔政、有誹我者、  
 具狀以賜死矣、卒惶怖、與諸老議、追放重景、終令自殺、重  
 景有一男、容姿美、忠輝鍾愛、長安復請殺之、忠輝不聽、義  
 雄強請乃殺之、後送盟書於忠輝及諸老、以謝焉、長安既  
 有封土、自耻其出微賤、以貨買武田氏譜牒、而自冒焉、又  
 多造其章器、遂包藏禍心、以慶長十八年四月死、初長安  
 蓄婢妾數十人、各豫分資財、卑遺書及死、長子藤十郎、竊  
 謂父久領坑務、負債必多矣、故不分與資財、於是嬖妾訴  
 之、乃召廩吏鞫問、檢其記簿、贓金夥多、命幽藤十郎、檢索  
 府庫、資財貨幣、積蓄如阜、猶嚴糾治之、一妾告曰、先主居  
 恒所秘、有一函、埋之於寢室下、乃發而見之、有書簡、皆異

邦交通之文、或邪謀連署、及天主教傳法也、於是長安奸  
 詐謀惡、悉發覺、七月、收長子藤十郎、及外記、權之助、雲十  
 郎等七人、與故吏門客、皆下獄鞫治、誅斬流黜、各有差、



日本藩史卷之五

北川舜治編輯

水野氏 封下野結城

水野氏 封上總菊間

水野氏 封上總鶴牧

水野氏 封出羽山形

水野氏 封上野安中

水野氏 封紀伊新宮

水野氏、姓源、出自鎮守府將軍源滿政、滿政、滿仲弟也、滿政六世孫、曰浦野重遠、居尾張浦野、爲源義家女婿、其子重房、居小川、稱小川三郎、重房子重清、居尾張春日井郡山田莊、改稱水野氏、仕右大將源賴朝、養和元年二月、戰



下野次郎  
下野繼  
下野守胤  
下野九郎  
宮內少輔  
直氏  
左馬信安  
土佐守信  
義  
重  
下野守忠  
居  
城  
劉屋

死於美濃無子養若大臣近衛道經子近範為嗣更名清房稱左近丞清房子雅經為小川地頭職稱下野守雅經子雅繼雅繼子胤雅胤雅子光氏世襲其職光氏子正房稱中務丞下野守其子信忠稱中務大輔正房屬足利直義尋仕尊氏正平十五年築小川城據之既而與土岐直氏構兵戰死信忠子信安信安子信義信義子信重信重子忠義忠義子貞守稱藏人修小川舊壘據之參河刈屋熊村大日大高常滑等諸士屬之享德元年築刈屋城移焉貞守子賢正稱藏人賢正子清忠稱下野守清忠有三子長曰清重稱左近大夫次曰忠政稱下野守右衛門大夫季曰元興稱藤七郎忠政承父後領刈屋小川大高三城屬今川氏勢漸强大使長子信元守小川城天文十年

參河守廣忠  
近守一  
日忠種

以女配德川廣忠是為傳通院既而生一男家康是也十二年七月忠政卒有多子長曰近守稱藤九郎先父而卒次日信元小字藤七郎後稱四郎左衛門又為下野守次日信近稱藤四郎次日忠平次日忠近稱傳兵衛次日信重稱彌平大夫次日忠分稱藤次郎季曰忠重稱藤十郎信元承父後領小川大高半田西川刈屋西尾等地背今川氏而就織田信長德川廣忠重今川氏舊好遂絕婚使夫人大歸刈屋會夫人有疾酒井正親迎私第療養焉尋使阿部定次金田宗祐等護送之抵十八町噉夫人謂曰家兄性急易恚聞我大歸則憤怒必殺汝等設令能得之眾寡不敵宜速歸也二士請送到曰有幼君在且舅姪之親他日復輯穆矣今汝等死于此怨隙愈深和親遂不成

雅樂頭正親



善三郎清  
秀  
紀伊守家  
廣  
治郎大輔  
義元

幼君再會不可期也。二士感泣，從命召土人托之而去。時信元使族清久及高木清秀等率兵三百迎之，謂曰：可鑿殺岡崎士也。至則已去，鼻輿而還。先是信元季妹嫁松平家廣，聞岡崎離婚，又送歸其室。信元怒誅其三士，秀亮奴隸而遣歸焉。永祿三年五月，今川義元戰死於桶狹間。岡部真幸守鳴海寨，請得義元首，致城而還，入參河。發間諜，狙刈屋。時信元弟信近守小川城，置妾城外，每夜微行，不在城。真幸夜遺遣間諜，經海濱潛入城，縱火。城中守者僅四五十，信近聞變還拒，遂戰死之。信元士牛田玄蕃赴援，擊捕間諜三十餘人，取還信近首，逐敵城外。信元亦馳至，真幸收兵而去。時織田信長勸信元使徇參河郡邑。六月，信元出兵與參人戰于石瀨，兩軍皆相識，接戰尤勵。明日戰于

信近戰歿

上總介氏  
眞

左近將監  
一益

八町畷交綏。四年二月，信元出兵侵畧郡邑。家康亦邀戰于石瀨，我兵不利。當是時，信長將霸天下，有經畧京畿之志，而患武田北條窺其後，不果。信元說之曰：今川氏眞昏昧多慾，愚弱荒淫，武備廢而士氣衰，且沈溺遊戲，佞奸迭興，國費不貲，聊無復雙之意。若我姪家康剛傑果敢，宏度有才，欲復西參，日事攻伐，西對君武，東抗今川，猶不辟易，顧彼必不敢降，而公以力取之，恐糜歲月，不如自我結和，使彼當東面，而公專力濃江，霸業速成矣。信長曰：善。乃使瀧川一益議和，信元亦勸之。家康從之，和遂成。信長授偏名，更今名。七年正月，信元賀正於岡崎，會一向徒焚掠太平邑。家康望煙起，辭信元曰：請應歸城，孤斷敵後路，乃發。信元謂我奚爲棄而可歸，乃率其部下而出，與敵遇于途。



四郎勝頼

左工門尉  
信盛

信元遭讒

弟忠重、族清久、力戰有功、敵終敗走、既而賊徒乞降、信元亦爲請之、十二年正月、家康攻掛川城、忠重戰于天王山、獲首級、元龜三年、從三形原、忠重有戰功、賜甲冑、天正二年、忠重與大久保忠世、攻天野景貫於土居寨、嶮岨不可拔、士卒疲頓、將退、城兵出躡、忠重等殿戰而還、三年、武田勝頼攻吉田城、忠重與諸將、捍禦力戰、敵縱銃射、忠重臂提槍不得戰、指揮士卒而還、十二月、信元遭讒自殺、先是織田信長、攻岩村城、城中糧盡、秋山晴近、括財糴於刈屋、佐久間信盛、與信元有隙、聞之、使流言曰、信元通款武田氏、遂讞信長曰、信元嚮糴於岩村、請君備之、信長信之、使人來詰、信元分疏曰、曩糴於賈人耳、不知其財出於誰手、使人從使者往謝、二使途醉而鬪、信長使者斃、信元懼出

藤四郎信政

忠重領刈屋城

內大臣信雄  
玄蕃義冬

奔岡崎、家康固請宥之、信長弗聽、使人謂之曰、必殺之家康、使石川數正告信元曰、疑似之迹、不可白、而信長盛怒難解矣、遂自盡於松應寺、有三子、長子信政、次子十郎三郎、俱出奔、季子松千代、生二歲、國人匿之、信長以刈屋城、賜信盛、八年九月、信盛奔紀州、信長始悟信元無罪、使忠重襲舊封刈屋、忠重初與兄信元不睦、避居鷲塚、一向之亂、赴岡崎從軍、戰于小豆坂、斬賊隊長石川新七郎、是歲十月、家康圍高天神、忠重與子勝成從軍有功、部將清水次右衛門、山本市作、先登而死、十年、北條氏直出兵甲斐、家康與之抗于新府、忠重勝成、及鳥居元忠等屯古府、北條氏邦出三阪陣于姉口、縱火邑里、勝成等擊走之、多獲首級、十三年三月、織田信雄將津川義冬、岡田重喜、淺井



喜長門守重

田宮等貳於羽柴秀吉誅之重喜將士據星崎反信雄使忠重父子討之忠重縱火燒城下營城兵發矢石拒之我兵死傷頗多敵遂致城而去忠重進攻古奈部城拔之報捷信雄遂與秀吉絕家康師師援信雄四月陣小牧山敵將池田信輝三好秀次堀秀政等率兵二万潛侵參河家康謀知之分兵為七隊忠重勝成各將一隊追尾之秀次未識留馬問前路敵有無忠重整所部急襲擊之秀次遽驚迎戰不克士卒潰亂忠重等追北二里餘時勝成患眼不攬胄惟布帕耳忠重曰子胄作尿壺矣乎勝成恚憤謂設令雖交命非道也奮進突敵忠重遣人駐之不聽水野喜右衛門將扣轡而諫勝成厲聲曰平居受諫可納臨軍陣一步不可退乃馳與秀次部將白井範季兵血戰獲甲

紀伊守信輝七郎秀次久太郎秀政

可武藏守長

首而歸是為首功是時堀秀政及池田信輝森長可亦會戰忠重僅率八人奮鬪接戰或反騎拒擊家康下令進師諸部得機反戰遂大破之是役森長可率母衣士五十人登丸山阜忠重族清久發銃擊之長可怒躬自提槍而出清久銃卒杉山源六以銃狙射長可殪之而家康將還小牧忠重謂秀吉在龍泉寺乘夜襲其不意則必勝矣家康弗聽是戰勝成馳衝敵陣斬母衣士一人又手斬首三級六月忠重父子與諸將攻盤江城有戰功勝成接戰被創二處十月聞秀吉入伊勢忠重赴桑名與秀吉阻水而對抗秀吉避銃而去後屢稱桑名對揚擇與石川數正為武者奉行勝成勇猛不逞一日謂孔目司曰我嫡子也父費財乃我有也然所欲常不滿意汝他日從我言乎否答曰

桑名對揚



勝成乞錢

何敢辭之、雖然今時所在、皆太公之財、私奉之、則臣等處  
嚴刑、而禍應及君、故一得允可、則何為不從、勝成逆怒曰、  
我若請父矣、為憑汝鼠因乎、終斬之、忠重聞而忿、勝成怖  
而亡命、或謂勝成違忠重旨、因富永半兵衛謀也、故勝成殺半兵衛、而亡命、衛而依謙田信雄、忠重遣人請曰、如畜我子、則臣辭而去、是故勝成去如小牧、忠重請如前、家康更稱六左衛門、十五年、使勝成居于清須寺、後去漂泊西州、

勝成亡命

陸奥守成

豐臣氏有事西海、勝成赴肥後、隸佐々成政、時隈部城主  
隈部親永拒命、成政攻之、勝成從軍有功、而成政欲攻山  
鹿城、道路險隘、進退不便、乃築寨置戍兵、會土寇蜂起、圍  
熊本城、成政反騎襲擊、勝成先登、多殲賊、會毛利氏兵、運  
糧於三田村寨、土寇遮路、勝成從立花宗茂擊卻之、是歲  
七月、秀吉授豐臣氏於忠重、奏請叙從五位下、任和泉守、  
十六年、勝成往宇土、任小西行長、食一千石、十七年九月、

攝津守行長

正計頭清

志岐天艸賊起、行長與加藤清正謀合、濟志岐海、而布陣  
於山上、賊出挑戰、其營驩擾、勝成請曰、乘彼驩隙、襲之必  
勝矣、乃與行長弟主殿助先登、毀外郭、多獲首級、清正移  
陣志岐、木戶賊亦屯其東嶺、清正部兵擊之不利、清正忿  
勵擊賊、遂與行長屠志岐賊巢、十月、又拔木戶寨、勝成每  
先驅、斬獲者多、尋勝成殺人、去仕清正、又食祿千石、復殺  
人而去、仕黑田長政、十八年九月、忠重封伊勢神戶、食四  
萬石、文祿三年、復封刈屋城、慶長三年八月、秀吉薨、石田  
三成等樹黨、欲除家康、忠重每侍衛備變、先是勝成仕黑  
田氏、從航海、東上、會舟繩系纏桅、長政命解之、勝成謂我  
雖武勇、未諳解繩之業、且舟趨如矢、奚為得攀焉、怒氣雖  
奮、懣以不能為己作、登檣解亂繩、而曰、若此七道之主、不

勝成仕加藤清正、又仕黑田長政、忠重封神戶、復刈屋



勝成仕三村氏

足倚身也、俟舟着岸、奔去、赴備中、假稱乘之助、仕三村成親、僅食祿十八石、當歲首慶賀、三村氏故事、有椀飯饗、畢點茶、例不及微者、勝成坐、意頻欲得茶、束手乞一匙、茶博曰、賤者不及也、勝成曰、以故請之耳、不與、曰、以飲食、勿辱士人、茶博曰、子亦自欲為士人乎、於是勝成逆怒、睚眦而退、候茶博出、手斬而去、間行入京師、時家康在伏見、大坂將士覘間、欲襲之、物情駭然、勝成馳赴向島、請自效力、家康聞之、意憐、欲召祿之、初忠重罵勝成曰、不及黃泉、莫相見、又謂家康曰、君如見臣兒、則臣必去矣、以故家康遣山岡道阿彌、諭忠重曰、父子之間、不攻善、須宥舊科、忠重從之、乃召見、賜月糧一百口、五年、家康伐上杉氏、勝成從赴小山營、忠重抵池鯉鮒驛、與堀尾吉晴相遇、置酒焉、會美

勝成再仕德川氏

帶刀吉晴

彌八郎重

忠重被殺

兵庫頭義弘

濃人、加賀井重望、陪坐、及昏吉晴醉而睡、重望俄起、斬忠重、事起倉卒、水野氏臣意、吉晴殺忠重、躍入亂斫、吉晴擊殺重望、身被七創、忠重氣息纔屬、曰、莫仇堀尾氏、乃扶吉晴、歸旅寓、衆莫知其故、而檢重望屍、得豐臣秀賴書、曰、殺內府者、為首功、殺井伊、本多、水野等、則封郡國、乃知三成之所使也、忠重遂卒、年六十四一作六十一、号瑞源院、有五男、長曰勝成、次曰忠胤、叙爵稱東市正、次某蚤死、次曰忠清、別有傳、次曰忠之、叙爵稱土佐守、食四千石、別列仕籍、勝成從軍於小山、交凶間至、家康命還其封、鎮撫部衆、勝成率其手兵、再赴美濃、八月、東軍攻岐阜、島津義弘陣于樂田、將襲曾根壘、家康命勝成守之、勝成請為先鋒、家康曰、曾根要地也、今特命汝守、汝勿貪目前之利、而圖國家大計、



右京大夫 爲信 豐後守 光 丹波守 康 長 宮內少輔 長每 長門守 種 長 右近大夫 元種 和泉守 家 純 內藏允 直 陳 右近大夫 直勝 阿波守 至 鎮

勝成從之、既而與津輕爲信、西尾光教、松平康長等、攻樂田營、敵皆出陣、關原乃進攻大垣城、急破外郭、縱火民屋、城兵出拒、遂破而去、勝成報捷、家康賞之、勝成與諸將議曰、關原殲敵、則此城亦陷矣、今急攻之、則多損士卒、乃引兵爲緩攻之計、亡幾、西軍大敗于關原、大垣守將相良長每、秋月種長、高橋元種等、斬垣見家純、熊谷直陳等、出降、餘衆猶不下、光教以書諭降、城竟陷、亂平後、封勝成於川屋、賜三萬石、十五年五月、叙從五位下、任日向守、十九年、大阪冬役、勝成督大和兵、向在吉營、與永井直勝爲斥騎、自瀧島至新家、將歸、勝成曰、我今宵欲取阿波坐港、直勝曰、今爲斥候、不反命、而攻敵不可也、強止不聽、是夜蜂須賀至、鎮果取阿波坐港、勝成出候、數回、既而城兵焚天滿

陸奥守 政 宗 丹波守 直 寄 豐後守 重 正

橋備前島、銃矢如雨、勝成巡邏而還、元和元年夏役、家康召勝成于二條城、命爲大和口先鋒、曰、孤擇斯任、莫汝若者、大和侯伯皆隸屬焉、汝左右之、如有不從命者、須顯戮以懲其餘、今日重事在旗鼓、慎勿輕進、以貪一時之功、勝成大喜、進陣于長池、聞敵將焚南都、星夜赴馳、松倉重正、在二見、聞急馳至、敵望見之、歷新莊而走、河內中坊秀政、自南都來、途遇勝成、謂曰、大野治房率衆兵屯般若寺、請駐軍焉、勝成曰、如使敵燔南都、我何顏見太公哉、卿宜先導、乃馳到、則日已暮、敵亦去、而大和口總督松平忠輝、軍于南都、伊達政宗陣于郡山、勝成及本多忠政、掘直寄松倉重正等、次于籠田法隆寺、筒井柏木、五月五日、勝成分所部爲二隊、直寄重正督之、刻日迭前、重正先期而發、直



又兵衛基次

寄恚取捷路而馳到國分勝成繼之遣人探地理或自爲斥候忠政使人謂曰卿陣于片山我據國府矣勝成曰片山不便也難認敵進退時城將後藤基次出城多點炬火至葛井寺乃滅炬以待後軍勝成望見之不脫甲戒嚴諸部備之無幾敵先鋒登片山挑戰重正及本多政武當其衝逆戰桑山貞晴止之曰俟勝成兵至二人不聽進接槍奧田三郎右衛門及處士五人斃之重正與敵左軍戰兵寡而敗直寄承之勝成下令自早上擊之轉戰田圃二三回丹羽氏澄衝擊重正亦反戰勝成繼進敵兵皆敗尋基次率兵四五千據片山半腹東軍四面攻擊敵兵多殲基次亦中銃走死城將薄田兼相奮進入我陣中部兵河村新八刺兼相獲首級勝成使謂伊達政宗曰共合兵而進

轉大和郡山後  
移備山後  
福山

敵可殲也政宗辭之使者三反政宗親來固辭勝成怒將督勢濃諸軍進擊途巡之間敵放火民舍乘烟焰而去乃遣使上所獲首級家康褒之明日使監使來謂曰前日之戰部下多死今日爲麾下先鋒陣于住吉勝成辭曰非所願也監使曰命不可拒乃不得止陣于住吉而及兩軍酣戰勝成進至天王寺攻黑門及天滿河岸城將明石全登出城死戰東軍披靡我兵奮鬪勝成殆危部下廣田義大夫救之得免汀三右衛門與全登戰獲其首勝成又追京橋口旗奉行神谷久右衛門建旗于櫻門諸軍爭進大阪城陷是役我部下獲首九十七級雖勳功超衆以勝成戾命自勵戰違將帥之任賞賜不及其功云三年九月轉大和郡山食六萬石五年八月移備後福山食十萬石爲西



內膳正重  
昌  
伊登守信  
綱

越中守忠  
利  
信濃守勝  
茂

竹釘軍

海鎮護寬永三年秋叙從四位下十四年冬島原賊起幕  
府使板倉重昌赴伐更遣松平信綱為督將命勝成參與  
軍謀信綱臨發命曰軍旅之事宜與勝成謀二月勝成至  
軍信綱問策勝成曰逆賊城守既垂百日其困可知矣須  
諸軍齊攻城眾議決焉細川忠利鍋島勝茂等曰我營迫  
城請為先鋒諸君幸援之勝成曰公等先登以建殊功僕  
雖不肖少小從軍大小五十餘戰未曾後人今豈後公等  
哉雖然將軍有命切戒無損士卒若群將爭功士心不一  
是損兵之本也凡攻城野戰一所部而戰則必有利若此  
議乃竹釘軍而似無首者伊豆守奉命為追討使我意推  
此人為統帥眾能守其命令莫敢違焉老夫困長議議決  
幸命之吾兒乃起而歸陣營既而諸將定議以二十八日

勝成愛  
士

為期鍋島氏兵先期一日薄城諸將騷擾爭先而進勝成  
笑子勝俊還營俱率兵出攻牙城建旗幟明日城陷勝俊  
子勝貞亦從軍年甫十五亂平後勝成凱旋舟抵赤馬關  
會烈風暴起海波怒碇綱皆斷舟殆危矣舟監曰請乘輕  
舸而上陸舸小而挾須與左右乘焉時勝成假寐聞之起  
而應曰不可也我部下士豈有親疎哉今臨危難故與左  
右求生路吾所不忍假令雖一夫皆拋身命以從我軍旅  
者何以棄之少焉風收浪靜眾初蘇息後聞此一言相俱  
感泣勝成為人卑謙愛士每謂凡士人無貴賤相依而立  
臨大節投身以報焉汝等以我為父母我亦子視汝等及  
歲稍老猶能行步每放鷹一日謂左右曰老耄放鷹莫以  
為逸豫吾亦有所思也嘗出郊有一士灌伏路傍者召謂



曰汝嘗仕我食三百石頃聞仕越前得祿一千石今來見者何與荅曰食祿倍加雖忘君慈惠故今辭仕而歸願復仕勝成乃復舊秩他日過其士門見其杜塞怪問左右曰乖主公旨而去勝成攬淚曰彼辭千石祿而慕我家夫作州以江府風撫士民矣乎吾少壯擬普化僧經歷諸州或臥古祠或寢山野艱難辛苦莫不嘗盡而一言不說虛一事不行悖禮今幸食十萬石封能察下情者皆其德也作州未識人情惜哉失善士夫善士者雖主將悖理則諫諍其接人盡誠改其過今彼設有小過宥赦而可也作州政務我酷危矣十五年冬勝成致仕削髮号宗休長子勝俊先是叙從五位下任美作守十六年春襲封十九年叙從四位下慶安四年三月宗休卒年八十八号德勝院有

勝俊

勝貞

勝慶

松之丞勝峰

備前守勝直

賜能登西谷

封下總結城

五子長曰勝俊次曰成言分備後田五千石叙爵爲紀伊守爲小姓番頭側衆寬永三年有罪出居深草次曰成貞叙爵爲出雲守次曰勝信仕松平忠長後仕幕府有罪絕祀季曰勝忠叙爵爲若狹守子孫仕幕府明曆元年二月勝俊卒年五十八長子勝貞叙從五位下任備前守又轉日向守是年襲封寬文二年十月卒年三十八三年二月長子勝慶襲封更名勝種延寶三年十二月叙從五位下任美作守元祿十年八月卒年三十七長子勝峰襲封年僅二歲十一年五月卒無嗣封除幕府錄祖先舊勳特命族勝直長子勝長承其祀賜能登西谷田一萬石十二年八月爲小姓十二月叙從五位下任隱岐守十四年正月加三千石十六年正月封下總結城食二万石十二月卒



勝政

鍋二郎勝庸

六左衛門勝起

修理大夫久貞藤十郎勝剛勝愛

年二十五、無子、以弟勝政為嗣、先是為小姓、叙從五位下、任攝津守、寶永元年二月、襲封、轉日向守、進為侍臣、四年五月、以病免職、元文元年十一月、致仕、為攝津守、長子勝庸襲封、先是叙從五從下、任下野守、又轉日向守、延享二年七月、勝政卒、年六十一、寬延二年十月、勝庸卒、年三十一、一作三二無子、以弟勝前為嗣、十二月、襲封、叙從五位下、任日向守、寶曆十三年四月、致仕、轉攝津守、長子勝起襲封、叙從五位下、任下野守、九月、勝前卒、年四十、十三年四月、勝起轉日向守、天明三年四月、卒、年三十九、無子、養中川久貞第三子勝剛、為嗣、六月、襲封、十二月、叙從五位下、任日向守、寬政十二年閏四月、致仕、轉攝津守、長子勝愛襲封、叙從五位下、任日向守、天保六年五月、致仕、轉攝津守、長

六平勝進

土佐守忠興

左京大夫長國

廢勝知

勝寬

子鍋五郎早卒、以次子勝進為嗣、是月襲封、叙從五位下、任日向守、勝進無子、養族忠與次子勝任、為嗣、襲封、叙從五位下、任日向守、勝任養丹羽長國弟勝知、為嗣、文久二年、襲封、叙從五位下、任日向守、明治元年三月、德川慶土、聚合東叡山、稱彰義隊、時勝知在江戶、密謀扶德川氏、本藩義徒相謀、廢勝知、立義叔父勝寬、勝知率彰義隊、襲藩城、取之、勝寬先遁、四月、東山道官軍復城、勝知逃去、尋勝寬及其父勝進、復歸于藩、亡幾、賊將大鳥純彰率兵來攻、官軍邀擊之、小山驛不利、勝進勝寬亦遁去、後復其邑、閏四月、詔褫勝知官位、七月、大總督府、詰問勝知罪狀十七條、十二月、削封千石、二年正月、勝寬承其祀、六月、奉還版籍、任結城藩知事、四年七月、廢藩



賜上野  
小幡  
伯耆守忠  
俊  
小平次重  
克  
封參河  
刈谷  
移吉田  
城  
轉信濃  
松本

水野忠清、和泉守忠重之次子也。初稱總兵衛、又稱權十郎。慶長五年、關原之役、從家康西上。七年四月、仕秀忠、為書院番頭、兼奏者。叙從五位下、任華人正。賜上野小幡田一萬石。十九年、大阪冬役、為前隊將陣阿倍野、與青山忠俊兵爭先出戰、部下松平勝次、山口重克、梁田平七郎、及其弟平十郎等戰死、諸部奮戰、獲首級。元和元年夏役、列前部、城將大野治房出城挑戰、忠清與青山忠俊、松平定綱部兵共屬加賀師奮勵督戰、遂擊破之。忠清與忠俊自去去年爭先生隙、此役互過言悖禮、凱旋之後、獲罪無幾、遇赦。二年四月、家康病革、召忠清、錄父祖勳功、特賜舊封川屋、食三萬石。寬永九年八月、移吉田城、加一萬石。十一年十月、加賜五千石。十九年九月、轉信濃松本、食七萬石。先

忠職  
帶刀忠興  
丹波守光  
重  
周防守忠  
增  
忠直  
忠周  
宮內忠照  
忠幹

是長子忠次、叙從五位下、任和泉守。早卒。次子忠職、為嗣。叙從五位下、任出羽守。正保四年、忠清卒。年六十六。八月、忠職襲封、承應元年五月、忠職與內藤忠興、松平光重、為大阪城代、更番出鎮。在職十一年而免。萬治二年十二月、分墾田五千石於弟忠增。忠職長子采女早卒、以次子忠直為嗣。寬文六年十二月、叙從五位下、任中務少輔。八年六月、忠職卒。年五十六。八月、忠直襲封、候帝鑑間、十年轉華人正。貞享四年十二月、長子忠周、叙從五位下、任出羽守。元祿四年五月、忠周為奧詰、轉中務少輔。十月、為小姓。正德三年五月、忠直卒。年六十二。六月、忠周襲封。分廩米二千石於弟忠照。再任出羽守。十二月、長子忠茂、叙從五位下、任日向守。更名忠幹。享保三年十月、忠周卒。



年四十六，十一月忠幹襲封，忠幹生而岐嶷，有風儀，而謹厚不煩，訓督年甫七歲，喪母氏，哀毀如成人，或有畫異禽，進者，問其名，答以慈悲鳥，忠幹曰：善哉！名之，嘗籠養禽鳥，主者誤逸之，畏獲罪而不言，忠幹聞之曰：有翼者飛，何罪人？仁恕御下，如此，年甫十一，始參府，執謁進退有度，自異凡童，既歸，識朝儀，服章衆人姓名，歷指不爽，祖父忠直深器之，每謂與吾家者，其此兒乎？一日謂之曰：器玩狗馬，惟汝所欲，與之，忠幹請賜駿馬，乃與之，其為人溫粹，喜怒不見於色，儀容閑雅，公服端坐，終日不倦，友愛睦婣，儉而不嗇，明而能恕，是時世屬清平，人狃安逸，忠幹自戒其怠傲，暇時召軍師讀兵書，築城營壘之法，射御刀槊之術，皆極其妙奧，又訓督家臣，演操武伎，常曰：士而不資文武，非士

忠幹好學  
置廳於

忠恒  
主水師就  
右近將監  
氏房  
忠毅初  
名忠永  
小字外之  
助後稱  
總兵備

也，勿自曠爾職，使人從器獎勤勞，優祿秩，故士臣皆盡其心，又命有司曰：人各有能，有不能，苟強其不能，必致賊人，務休其意，以斷國是，博采衆議，從其所長，平居好文學，召儒臣醫官，講論經典，以錯諸事業，且嗜和歌，師中院通躬，受其指授，又嘗置一廳於廳，使人言利害者投書，躬啓之，取其可取，不可者焚，其斷死刑，反覆審議，罪不及家，眷獄事平允，其就封也，按行部內，問民疾苦，民情悅服，八年五月卒，年二十五，號德本院，封內之民，聞訃哀痛，哭聲盈野，云：無子，以弟忠恒爲嗣，七月襲封，十二月，叙從五位下，任隼人，正十年七月，參府將退，俄發狂，拔刀傷毛利師就，戶田氏房，在側，抑留之，師就創輕不死，既而鞠問忠恒，八月有命，收其封，幽之秋元，喬房邸，更賜其弟忠毅，以七千石。



卯之助忠友

再列侯班封三河大濱

移駿河沼津

以承其祀、後命忠毅護忠恒、元文元年十二月、忠毅叙從五位下、任出羽守、爲書院番頭、四年春、爲大番頭、六月忠恒卒、年三十九、寬保二年、忠毅爲大阪城代、八月卒于大阪、年三十六、長子忠友、先是爲世子傅、賜千石、至是、併父祿、食八千石、三年爲小姓、延享四年十二月、叙從五位下、任豐後守、寶曆八年冬、爲小姓番頭、十年四月、爲側衆、明和二年正月、加千石、五年十一月、爲若年寄、加五千石、併食一萬三千石、再列侯班、封參河大濱、六年八月、轉出羽守、安永六年四月、爲側用人、叙從四位下、加七千石、十一月、移駿河沼津、有命築城、七年十二月、賜黃金三千兩、以助役、天明元年九月、格準老中、加五千石、八年三月、免職、寬政八年、又爲西城老中、享和二年九月卒、無子、養族忠

肥前守知曉

忠成爲老中

忠義

忠武

忠良稱總兵衛

隣義子忠成、爲嗣、忠成、實岡野知曉第二子也、先是叙從五位下、任大和守、是歲十一月、襲封、轉出羽守、爲奏者、三年八月、兼寺社奉行、文化三年十月、爲若年寄、九年四月、轉西城側用人、叙從四位下、十四年八月、爲牙城側用人、格準老中、十二月、任侍從、文政元年八月、爲老中、攝西城事、四年十一月、加一萬石、十二年十二月、又加賜一萬石、併食五萬石、天保五年正月、忠成卒、年七十一、忠成爲人逢迎承順、得寵用事、威權甚熾、晚年稍生驕侈、熱客滿門、長子忠義、先是、叙從五位下、任大和守、四月襲封、轉出羽守、八年十二月、叙從四位下、十三年正月卒、長子總兵衛早卒、以次子忠武爲嗣、三月襲封、叙從五位下、任大和守、又轉出羽守、叙從四位下、弘化元年八月卒、無子、以弟忠



牛之助忠

美濃守忠

移菊間

忠增

良爲嗣、九月襲封、叙從五位下、任出羽守、無子、養族忠紹  
 子忠寬爲嗣、叙從五位下、任左京大夫、襲封、叙從四位下、  
 忠寬亦無子、養本多忠民弟忠誠爲嗣、文久二年八月、襲  
 封、叙從五位下、任出羽守、慶應二年十月、忠誠致仕、族忠  
 明次子忠敬爲嗣、襲封、叙從五位下、任出羽守、明治元年  
 九月、移上總菊間、二年六月、任菊間藩知事、四年七月、廢  
 藩  
 水野忠增、隼人正忠清之第四子也、小字長吉、後稱權兵  
 衛、寬永十八年八月、屬德川家綱、爲小姓、慶安三年九月、  
 爲步兵頭、賜廩米五百石、明曆三年七月、爲小姓番頭、十  
 二月、叙從五位下、任周防守、万治二年十二月、兄忠職分  
 墾田五千石、寬文元年十一月、爲書院番頭、四年六月、爲

忠位

初列侯  
 班人正忠  
 集人正忠  
 直房小字  
 三之丞  
 越中守定  
 重中守定  
 忠定小字  
 吉之助後  
 改伊織

大番頭、五年三月、賜廩米二千石、十一年九月、坐事免職、  
 延寶六年四月、爲大番頭、天和二年四月、賜丹波田二千  
 石、納廩米於幕府、元祿五年六月、爲奧詰、七年七月卒、年  
 七十、長子忠朝、更名忠房、又更名忠位、先是叙從五位下、  
 任肥前守、八月襲封、九年四月、爲側衆、寶永二年八月、仕  
 世子於西城、六年世子承統、是爲大將軍家宣、忠位從之、  
 正德元年九月、爲大隈定番、加賜攝津田五千石、併食一  
 萬二千石、始列侯班、三年七月、卒于大阪、年五十九、長子  
 權吉、二子長之助、皆早卒、養族忠直第三子忠房爲嗣、叙  
 從五位下、任周防守、亦卒、再養松平定重第九子忠定爲  
 嗣、叙從五位下、任壹岐守、是年九月襲封、候菊間、享保四  
 年十月、爲大番頭、八年三月、進若年寄、十年十月、封安房



北條二十年六月、加丹波田三千石、延享三年、德川家重、任大將軍、九月、忠定再為本城若年寄、寬延元年六月卒、年五十八、長子忠寬、先父而卒、以次子忠見為嗣、先是叙從五位下、任肥前守、八月襲封、轉壹岐守、二年八月、為大番頭、寶曆七年三月、為奏者、八年九月、為若年寄、安永四年八月卒、年四十六、初養兄忠寬子忠廉、為嗣、早卒、於是長子忠韶、為嗣、十月襲封、八年十二月、叙從五位下、任壹岐守、天明四年三月、為大番頭、七年三月、為奏者、文化五年十一月、轉西城若年寄、文政十年、遷上總鶴牧、十一年五月卒、年六十四、無子、親酒井忠器弟忠枝、為嗣、七月襲封、改名忠實、叙從五位下、任壹岐守、十二年四月、為奏者、天保十年五月、為西城若年寄、未幾而免、十三年正月

近江守忠寬  
吉次郎忠見  
織之助忠廉  
尙三郎忠紹  
遷上總鶴牧  
左衛門尉忠器  
忠實

忠順 卒、長子專助、次子乙次郎皆早卒、以第三子忠順為嗣、三月襲封、十二月、叙從五位下、任肥前守、明治二年六月、任鶴牧藩知事、四年七月、廢藩、  
忠守 水野忠守、右衛門大夫、忠政第四子也、初稱清六郎、又稱織部、本名忠義、屬織田信長、為尾張小河城主、後去而仕德川氏、家康以其為母氏族、厚遇之、然晚節以病、終老相摸沼目、有三子、長子金藏、次子守重、稱彌兵衛、季子忠元、稱監物、仕秀忠、為納戶頭、小姓番頭、兼小十人、步兵頭、遂與本多正純、稍參機密、周旋駿府、江戶間、慶長十年、叙從五位下、十九年、大坂冬役、從軍、掌傳令、時毛利、福島、加藤、黑田諸將、留在江戶、不許從軍、毛利秀元、意不安、請從役、乃見忠元曰、初吾與豐臣氏婚、今妻已歿、而以德川氏為

上野介正純



封下野山川

忠善

駿河大納忠長

轉駿河田中

移參河吉田

轉岡崎

配則與豐臣氏姻族已疎然尙留之東何有所嫌乎忠元曰是大事也不可輕舉秀元曰致命圖報在今日機不可失也忠元密白之將軍乃許從軍元和元年夏役忠元復從軍部下森景家鈴木重吉岡野秀友等有斬獲之功尋爲西城書院番頭九月封下野山川食三万石爲執政及大將軍秀忠詣日光山造館於封內大澤驛饗之賞加五千石六年十月卒年四十五十二月長子忠善襲封年甫九歲寬永七年十二月叙從五位下任大監物九年松平忠長有罪忠善與大久保忠成奉命往收其城屋代忠正有難色忠善進曰子將拒大命耶吾今屠城矣忠正意屈從之十二年八月轉駿河田中食四万五千石十九年七月移參河吉田正保二年七月轉岡崎城食五万石寬文

四年二月分墾田五千石於弟忠久承應三年十二月長子忠春叙從五位下任右衛門大夫延寶四年八月忠善卒年六十五忠善天資豪爽好講武事有材能之士不次擢用之淬礪氣節前後遷封部下士皆負甲櫃杖槍以行故遷徙不越四旬且平居守儉內不蓄婢妾又召儒士講書夜則延親臣談古今治亂以爲樂常謂岡崎爲海路之要鎮不可以不備焉嘗聞尾張侯閱兵修城使人覘之且自微服而行繫馬于途以濶測量惶慙尾侯自城上瞰之命侍臣急追捕之忠善驅馬逃歸他日尾侯在江戶見忠善曰孤率大軍以入參河卿能遏之乎答曰今公帥關西三十三州兵以來忠善遏之必支二旬矣明曆中江戶火延燒府城忠善鞭馬入城會有二士爭執其靶忠善命從



一人一人怒曰君能記之臣恨入骨既歸召二士曰罵我者口舌也其意則可嘉各與祿二百石又長子忠春加首服也一者老為賓乃舉觴祝之而旋視其背大喝曰其家未可保也撞墮之床下衆皆愕然忠善大喜曰我兒能記斯言臨事輒省之庶乎其能為將矣重賞其人忠春嘗自江戶寄書曰府下謗議頻起願少留意焉忠善悉召庶臣問之曰聞外人謗予汝等知之乎衆相視曰不知也獨波多野某進曰臣知之矣臣之未仕也周流諸州善聞外言今直言無諱可乎忠善許之乃上疏言之忠善覽大喜舉為步卒隊長及晚年或謂曰公齡已高宜蓄侍妾亦攝生之道也忠善曰買妾用幾何金對曰不踰二百金忠善出金付之曰汝如京師求美入適吾意者其人將退忠善召

忠春

還曰止吾孰思之蓄妾非攝生之道汝適信州買良馬而來吾乘之以養身體攝生莫過焉十月忠春襲封天和元年二月為奏者兼寺社奉行時幕議廢新造佛寺悉毀之月桂寺者牧野成貞香火院也時成貞權威赫耀然以寺為新建法在所當廢有司憚之特欲存焉忠春不肯曰法令者因貴賤非可輕重者今權貴之香火院尚肯毀之然後法令通行于天下矣識者韙之貞享元年假守大阪城二年三月坐事杜門初僧仲性院以善祈禳出入府中姬嬪信之厚與資財淫酗日甚醜聲聞于外我部下篠崎某和田某與之親多借商估金不返商人訴之官忠春至自大阪牧野成貞謂曰盍檢諸因鞠問得實乃流仲性院二士當斬忠春連坐之閉居焉五月罷奏者及寺社奉行為



權五郎忠直  
衆之助忠盈

詰衆爲三士有罪故也元祿五年十月卒年五十三長子忠直早卒次子忠盈爲嗣十二月襲封初忠善好士愛馬撫養甚厚以故國用增加遂重租賦忠春患之盡免逋租省徭役減士卒俸祿令田租俸祿相當然士馬尙多矣忠春常好文武旁修禪學至晚年專主儒學廢禪學且戒嗣子忠盈勿讀竺典忠盈初叙從五位下任豐前守九年十月爲與詰十一月奉使赴京師聞上皇病即日發程六日而達十二年八月卒年三十八無子以弟忠之爲嗣忠之先是爲族忠近嗣忠盈請而復之九月襲封十二月叙從五位下任大監物後爲和泉守十四年赤穗城主淺野長矩刃吉良義英幕府命幽之忠之馳入長矩邸諭其家臣勿得騷擾十五年有命囚赤穗遺臣數十人於邸忠之待

忠之

內匠頭長矩

忠之爲老中

遇懇至都人謳歌之寶永二年正月爲奏者正德元年十二月爲若年寄四年九月轉京都所司代叙從四位下任侍從享保二年九月爲老中十年十月加參河田一萬石當是時大將軍吉宗勵精圖治任忠之總會大計責以富強忠之執法嚴峻不顧毀譽節用省費躬自入庖廚點檢細務時倉吏乘憲法弛私出廩粟託之牙儉以射已利倉廩殆虛忠之聞之一日謂奉行曰余將視倉庫吏胥大駭乃令米商輸米車聲盈路而度其已實入倉視之曰吾聞倉廩悉虛而今如此人言不足信也吾當緘之以塞後言悉封肩鑄而去吉宗欲新立職俸之制學士室直清酌量古今條議上之因與忠之謀建每職增給法原秩五百石以上得累加爲五千石身死則復故由是材賢得進用之



忠之嚴峻

路又大城內郭，堞壁屢損壞，修費亦鉅。忠之建議撤之，樹以松，自是省歲時修完之費。世服其卓見。十五年，吉宗召監察於內寢，問士民疾苦，且使言執政能否。歷問及忠之，對曰：處事則廉矣，然嚴峻少溫籍，吏民凋敝。吉宗曰：孤惟信之，不圖其至此也。六月，以老辭職，吉宗面命慰之，手賜佩刀。忠之感謝，將入政廳，童坊止之，不聽。入見舊僚，曰：子居職總事，過激數失辭色，賴諸君寬容，幸獲免罪戾。以至于今，敢謝恩之辱。又見參政，言之如初。既下堂，部卒喝道而去。與居職時不異。眾相語曰：和泉守豪傑哉，宜矣其為人所畏也。忠之善知人材，厚任用之，國老水野信英、松本尚綱，皆賢雋也。一日，近侍岩崎勝武忤旨，忠之以帶撲其面，勝武自剔髮出奔，留書曰：臣自仕先公，未嘗受撲面之

忠輝

忠辰

辱。今如此，士節廢矣。忠之大悔，謂老臣曰：宜謝吾過，以召還之。信英曰：君所以自責則善矣，然聞罪己之言，彼必不敢還。若曰：背君不道，當賜自裁，則來矣。乃令信英以其計召之。勝武果至，乃慰謝益進。用之，尚綱為人剛毅，不屈節，忠之議事，言論激烈，聲色俱厲。忠之屢責其亡禮，而弗少改。或曰：慙直如彼，君盍黜焉。忠之曰：吾不參大政，則已矣。一日在府，斯人庸可少乎。其知入材，善任如此。既乞骸骨，薙髮号祥嶽。長子齋宮早卒，次子忠篤為嗣，更名忠輝。先是，叙從五位下，任左衛門大夫，尋轉右衛門佐。又改監物。是月襲封。十六年三月，祥嶽卒，年六十三。十八年四月，老中傳旨，褒先世以來治績，賜賚家臣有差。元文二年七月，忠輝卒，年四十七。九月，長子忠欣襲封，更名忠辰。十二月，



忠辰被廢

叙從五位下、任大監物、延享元年十二月、免封內田租半、家臣有負債者、悉為償之、忠辰性聰慧、幼而好讀書、侍臣恐其生疾、勤之遊宴、忠辰時遊花街、佚樂稍甚、不復視國政、寶曆元年十月、其臣牛尾胤明、山田直衡、松本尚張等、相議曰、君公荒淫如此、不悛則禍及宗社矣、當是時、宗社為重、君為輕、吾曹坐視之、是負先君也、乃決意圖廢之、會忠辰母氏歿、三士進曰、夫人有顧命、君惟薄不修、宜屏居以思過、因請脫佩刀、寘諸深室、二年三月致仕、無子、養族守滿第二子忠任、為嗣、先是叙從五位下、任織部正、是月襲封、八月忠辰卒、年二十九、一作三十一九年閏九月、忠任轉和泉守、十二年九月、轉肥前唐津、封地如故、岡崎人民、深懷累世之恩、欲哀訴于官、以中停之、里正坊長、相率赴江

多宮守滿忠任

轉肥前唐津

忠鼎

建經館

忠光

戶、有司追而止之、尚有從間道走者、郡宰曉諭而後止、明和四年九月、養安藝候淺野宗恒第二子長孝、為嗣、更名忠鼎、十二月、叙從五位下、任左近將監、安永四年九月、忠任致仕、忠鼎襲封、八年八月、為奏者、忠鼎為人恭儉、御下寬恕、不見愛憎、博綜技藝、尤精銃馬、享和元年、建學校於治城、命曰經誼館、講堂塾舍悉具、以水野元彭、都督學政、司馬彌為教授、設助教、授讀、副授讀等職、歲時親臨、奠祭先聖、令學官講書、一藩文學始盛、文化二年致仕、忠鼎素好詞章、信龍司馬彌、數以詩歌唱酬、及退老、日以文事為樂、長子忠光、先是叙從五位下、任式部少輔、是月襲封、轉織部正、後為和泉守、八年十二月、忠任卒、年七十六、忠任清儉端慤、不樂聲色、不近嬖幸、又不好臧否人、起居飲食



忠光至孝

有常度、性好潔、不爲華麗、及卒有內帑三萬金、遺命頒賜庶臣、忠光初襲封也、二本松義廉白曰、大事則請旨、小事則國老決之、是先世故事也、忠光曰、國君統治、事無巨細、須日聽之、何故事之有、自是抑強奪權、群臣大憚之、先是歷世、優遇老臣、國政壹委之、以故老臣稍擅威權、忠光自爲世子、深知其弊、欲釐革之、故有此命、忠光事父、愉色婉容、發於天性、夫人嘗曰、視君在太公側、比諸平生、劃然如二人、忠光多內寵、然舉子放遺、又訓誨諸子、督勵甚嚴、侍臣尤竭心輔導、九年八月、致仕、長子芳丸早卒、次子忠邦襲封、十二月、叙從五位下、任左近將監、十一年三月、忠光卒、年四十四、嘗曰、群臣僉謂、唐津風土不及岡崎、子則深愛唐津、若有子孫或轉封者、吾魂魄永留于斯土矣、故忠

轉遠江濱松

邦埋衣劍于唐津雄嶽、以追成先志、十二年十一月、忠邦爲奏者、十四年九月、兼寺社奉行、轉封遠江濱松、文政元年八月、祖父忠鼎卒、年七十五、七年、忠邦爲大坂城代、九年十一月、轉京都所司代、叙從四位下、任侍從、兼越前守、十一年十一月、爲西城老中、天保五年三月、轉牙城老中、大將軍家齊嘗賜菊苗於諸老、至花時、問之、衆皆植名器以獻之、獨忠邦所獻菊花萎蕪、家齊怪之、忠邦惶惧曰、臣嘗植所賜菊于園庭、每退朝、躬自護之、以至今日、是以培養不如列侯委園丁之效也、家齊自此信寵日厚、十一年加一萬石、忠邦在職日久、任意處事、託言節儉、屢下新令、民不便之、謗聲四起、十四年閏九月、有旨免職、弘化元年六月、再爲老中、謗議復起、忠邦不安、三年稱疾辭職、八月、

屢下新令



削二萬石

金三郎忠經

移出羽山形

忠邦知大體

抗官軍

命削封二萬石、追責前過也、收濱松城及江戶邸、潛居于別邸、更賜其子忠經五萬石、移出羽山形城、初忠邦為所司代也、一日與傳奏某卿對飲、忽聞笙聲嘹唳、問其為誰、曰、是上皇弄曲也、忠邦俄正席、低首莊聽、曲闋復坐、舉杯、縉紳傳以為知大體、忠經叙從五位下、任大監物、後改忠精、文久二年三月、為老中、六月叙從四位下、任侍從兼和泉守、慶應二年九月、忠精致仕、長子忠篤襲封、更名忠弘、叙從五位下、任和泉守、明治元五年、同盟奧羽諸藩、以抗官軍、九月若松城陷、忠弘乞降、十二月、命忠弘及其父忠精謹慎、二年正月、釋忠精罪、六月、忠弘任山形藩知事、三年五月、有命納其管地、七月、移之近江淺井郡、管五萬石地、十一月、稱朝日山藩、

忠分

方長

飛彈守氏

賜小河城

中納言賴房

元綱

封上野安中

水野忠分、左衛門大夫忠政第七子也、小字藤次郎、初屬織田信長、天正六年十二月、與一族清久、攻有岡城、死之、年四十二、有四子、長子方長、一作分長、稱太郎、左衛門、次子義忠、稱清六郎、三子重仲、四子吉勝、稱大藏少輔、季子勝政、出繼松平氏、方長初仕蒲生氏、後仕德川氏、庚子之亂、從軍有功、慶長六年二月、賜小河城、食封一萬石、九年叙從五位下、任備後守、後為彈正少弼、元和七年、附常侯賴房、九年三月卒、子元綱襲封、叙從五位下、任備後守、正保元年、移封上野安中、食二萬石、寬文四年致仕、号道要、子元知襲封、叙從五位下、任信濃守、娶一族忠善女、性甚嫉妒、元知有疾、幽居、招娼妓于別邸、荒醜無度、遂坐之、封除、水野重仲、初名重典、忠分之第三子也、天正四年初仕德



封遠江濱松  
封紀伊新宮

川家康時年甫七歲慶長十二年十二月為德川賴宣傳相叙從五位下任對馬守十四年封遠江濱松元利五年轉紀伊新宮食三萬五千石八年十一月卒年五十二長子重良襲封叙從五位下任淡路守紀侯世子嘗有擐甲之式并伊直孝讚稱曰實良將之器幹也願為斯君之先鋒以宣揚武名矣眾皆賀之獨重長作色曰卿者幕府之先鋒也為斯君之先鋒者即我也我雖不勇豈以讓他人哉寬永中賴宣放鷹于郊外時六月沿途民舍多曝麥路僅通而來往不便賴宣嚴戒騶從令莫蹈籍眾服其仁慈歸城後尚稱贊不已重長惟不悅曰吾君每好細事故眾皆覩其意也士民等如聞君之行則收麥布砂慎以送迎矣然曝麥以遮路於我酷不服苟國司之仁惠非此瑣事

總右衛門直恒  
飛驒守重矩

多宮守鑑

也賴宣聞之曰實然後命免沿途一巷水手抽分稅云子重直襲封叙爵稱士佐守重直無子養新莊直恒子重期為嗣重期叙爵為淡路守重期又養水野重矩三子忠昭為嗣忠昭叙爵稱大炊頭其子忠興稱筑後守無子養族守鑑次子忠寄為嗣叙爵稱飛驒守長子範明叙爵稱出雲守先父而卒嫡孫忠啓承祖父後叙爵任對馬守忠啓子忠央稱士佐守忠央子忠幹叙爵稱大炊頭世為紀藩附庸明治元年三月列藩屏二年六月任新宮藩知事四年七月廢藩

內藤氏 封日向延岡

內藤氏 封陸奥湯長谷

內藤氏 封參河舉母



內藤氏 封越後村上

內藤氏 封信濃高遠

內藤氏 封信濃岩村田

內藤氏、姓藤原、出自鎮守府將軍秀鄉、秀鄉七世左近將  
 監賴俊、任內舍人、因稱族內藤、其子行俊、居近江國、為檢  
 校、行俊五世盛親、仕右大將源賴朝、盛親五世家清、應仁  
 中、移參河、家清子義清、仕德川信忠、稱右京進、屢有軍功、  
 為上野城主、時義清及石川忠輔、植村新六郎、天野清右  
 衛門、林藤助、稱參河五人眾、其子清長、稱彌次右衛門、仕  
 清康、賜偏名、繼父為上野城主、天文十一年十二月、織田  
 信秀遣兵來攻、侵上野、破外郭、清長率其族拒戰、姪正成  
 時年十六、善射、殲敵數十人、遂擊卻之、家康賞其功、賜采

義清

清長

家長

邑、清長子家長、小字金一郎、後稱彌次右衛門、清長又養  
 廣忠子、名信成、永祿六年、一向之亂、參河舊臣被誣、叛  
 者八百餘人、家長信成、矢無貳心、固守拒賊、十二年正月、  
 家康攻今川氏、真於掛川城、家長從軍、信成中矢而倒、敵  
 將馘之、家長射而卻之、天正三年、長篠之戰、敵出斥候三  
 騎、巡邏、家長及族清正、前射之、敵遁去、六月、攻二股城、敵  
 出禦之、中間隔一小川、城兵朝比奈彌兵衛、自呼挑戰、進  
 斬松平彥九郎、是為家長外戚、家長望見、忿馳、一矢斃之、  
 其弟朝比奈彌藏、遮戰、又射斃之、敵怒、濟水來戰、家長多  
 力善射、敵火民舍而去、明日、城將依田信蕃、遣人於石川  
 家成、送其矢、謂曰、誰用此矢者、非源為朝、則平教經乎、家  
 成答以家長、皆寒膽、家康大喜、賜服一領、賞之、七年、家康

家長善射

日向守家成



攻田中城、親出巡視、敵出道之、家長反騎射卻之、八年五月、復攻田中城、使人暴掠麥苗、持舟城兵、出躡軍後、石川數正為殿、家長亦刺敵二騎、使從卒馘之、十年秋、家長與諸將入甲斐、守大野砦、與松平清宗、擊北條氏兵、斬首二十七級、十二年、小牧之役、家長及其子政長從軍、六月攻蟹江城、敵固禦不降、四面攻圍、家長向前門前田口、射數人、斃之、敵兵辟易、放火燔門、遂破外郭、士卒死傷者數人、城竟陷、十三年、石川數正、叛奔大阪、家長督其騎士八十八人、十七年三月、家長長子政長、叙從五位下、任左馬介、十八年、小田原之役、家長為先鋒將、以黃金弦月為旗章、關白秀吉、登稻根嶺、望見其軍裝、使人問其姓名、家長跨鞍橫弓、對曰、德川氏臣、內藤彌次右衛門也、秀吉稱其雄偉、

政長

封上總佐貫

中納言秀家 兵庫頭義弘

賜銃三十口、八月、封上總佐貫、賜二万石、文祿元年、政長為大番隊長、慶長五年七月、家康大舉伐上杉氏、家長與鳥居元忠、松平家忠、松平近正、守伏見城、而家長居西城、其子元長從之、七月、大阪舉兵來攻、伏見城兵凡四萬餘、家長登天主樓、發火箭、焚四面邸第、西軍驚擾、不敢逼壁、家長與諸將議、欲截城後河橋、敵將垣見家純、遽薄支戰、橋上、城兵擊卻之、是夜撤橋、而守禦旬餘、燒竹盾、火埋草、捍戰不屈、西將浮田秀家射書於城上、誘內應者、會有縱火者、敵兵爭登、家忠近正死之、尋元忠戰歿、島津義弘、逼西堡、家長開門而射、殪五六騎、敵猶競進、家長被創而退、謂部將安藤定次曰、子與吾兒、力戰拒之、吾伺其間、引決、乃退入城、登鐘樓、命積薪于其下、作一書、附其臣原田某、



家長戰死

曰、吾事畢矣、汝宜脫圍東行、告狀於主君、及兒政長、遂自  
 屠而死、年五十九、原田縱火、焚其屍、出城東走、元長與垣  
 見家純格鬪、被十六創、欲與父俱死、然火勢猛烈、不可嚮  
 近、乃卸甲自屠、跳入火中而死、安藤定次、松井茂兵衛、長  
 谷川吉左衛門、原田三九郎、糟屋作十郎等十六人、力戰  
 而死、元長年十六、家康覽家長書、痛惜焉、法謚曰義松院、  
 近江國滋賀郡三井寺麓、有大練寺、其堂後、有一  
 古墳、傳云、伏見之役、埋家長首於此、以備參考、  
 後、七年十一月、加封一萬石、十年四月、政長長子忠興、叙  
 從五位下、稱帶刀、忠興初名忠長、忠久、後改今名、十九年、  
 大阪冬役、政長留守江戶城、忠興欲從軍、間行赴大坂、就  
 本多正信請之、有命隸井上正就隊下、元和元年三月、賜  
 父封邑側近田一萬石、夏役、屬酒井忠次軍、與敵將毛利

壹岐守勝

永封安房

勝山

轉陸奥

磐城平

忠興

賴長

遠山主殿

政亮

彌右衛門

義邦

義孝

勝永、戰、斬首四級、是歲、政長封安房勝山、加一萬石、五年  
 十一月、加五千石、八年五月、轉陸奥磐城平、又加二萬五  
 千石、併舊七萬石、忠興從赴、別賜一萬石、寬永九年十二  
 月、政長叙從四位下、十一年十一月卒、年六十七、有四子、  
 長忠興、襲封、次政次、次政重、季政晴、政次、政重、蚤死、政晴  
 領父遺封二萬石、承應元年五月、忠興與水野忠純、松平  
 光重、為大阪城代、更番出鎮、三年八月、忠興獨任之、寬文  
 七年十二月、叙從四位下、十年十二月、致仕、長子義泰、初  
 名賴長、先是叙從五位下、任左京亮、是月襲封、分一萬石  
 於弟政亮、延寶二年十月、忠興卒、貞享元年十二月、義泰  
 叙從四位下、任左京大夫、二年九月卒、年六十七、長子義  
 邦、早卒、第二子義英、為嗣、任下野守、以病潛居、第三子義



賴母義覺  
義稠

政樹

封日向  
延岡

左京亮政  
堯

政陽

尾張中納  
言宗勝

政修

政韶

孝為嗣，叙從五位下，任能登守，是年十一月襲封，正德三年十二月卒，年四十五，長子義覺以病屏居，第二子義稠為嗣，襲封，三年三月，叙從五位下，任右京亮，享保三年五月卒，年二十，無子，養伯父義英子政樹為嗣，七月襲封，十二月，叙從五位下，任備後守，延享四年三月，移封日向延岡，寶曆六年十月，致仕削髮，号兼山，長子政堯早卒，無嗣，養同族政里第二子政陽為嗣，先是叙從五位下，任能登守，是月襲封，明和三年九月，兼山卒，年六十四，七年十二月，政陽致仕，長子政韶猶幼，賴德川宗勝第十四子政修為嗣，是月襲封，叙從五位下，任備後守，天明元年閏五月，政陽卒，年四十五，寬政二年八月，政修致仕，轉右京亮，後号曉山，義弟政韶襲封，叙從五位下，任能登守，享和二年八月

政和

政順

攝部頭直  
亮

政義

備中守資  
功

政嶠

封陸奥  
湯長谷

卒，無子，以弟政和為嗣，十月襲封，叙從五位下，任備後守，文化三年十月卒，無子，以弟政惠為嗣，更名政順，十二月襲封，叙從五位下，任備後守，天保五年八月卒，無子，養井伊直亮弟政義為嗣，十月襲封，叙從五位下，任能登守，政義無子，養太田資功弟政嶠為嗣，文久二年十月，襲封，叙從五位下，任備後守，更名政舉，明治元年正月，授東軍四月，朝廷召政舉於京師，謹慎待命，踰一月釋之，二年六月，任延岡藩知事，四年七月廢藩，內藤政亮，左馬助，政長之第三子也，小字百助，後稱主殿，寬永二年，為淺草寺僧知樂院猶子，族稱遠山，寬文十年十二月，兄義泰頒與墾田一萬石，治于陸奥湯長谷，始列侯籍，叙從五位下，任主殿頭，延寶九年七月，為大番頭，貞